



國朝寶鑑 二十四

正宗朝二



3059
24





國朝實錄卷之七十三

正宗初五



己酉十三年春正月因尚州儒生等疏賜故相
 臣黃喜院額宣額日致祭○命臺侍年七十
 登科三十年以上人武科五十年以上人蔭
 官年七十筮仕四十年以上人并加資文蔭
 武作散人自乙未十二月以前抄出甄復蔭
 武參外落仕三十年者並陞付司果教曰朝
 廷用捨豈係年紀班資而耆考也淹滯也振
 拔常規之外未必不為美事○二月幸永陵

行酌獻禮仍詣長陵教曰桑梓猶恭敬止况
手澤所存乎 先朝辛亥遷奉本陵遵 孝
廟故事手種松杉至今鬱然若不表識後人
何知 先朝手種栢銅以圖之刻以手植二
字召見交河坡州高陽父老賜交河今年田
租之半並蠲三邑舊糶交河士庶年七十以
上人賜食物八十以上三經幸行者各賜一
資○教曰鎮安大君有泰伯之德避位於咸
興 定廟以第二大君入承及鎮安之逝自
咸興移厝齊陵近地豈任其蕪穢御製記碣

仍命別置守塚戶造祭廳改排石物地方官
春秋看審禁樵牧又命祀孫調用○三月命
關西之清南北道之南關武士一依清北北
關例別設付料窠○召見新及第徐榮輔教
曰乃祖故相即己卯冊禮時諭善而受學多
年永惟勞績豈讓南輔養朴諭善乎遣承旨
致祭于故領相徐志修○夏四月太廟夏享
值攝事 上整衣明燭遣承史詣享所禮成
回奏教曰昔 先朝以大耄之年每當攝享
之夕必整衣冠俯伏欄外以待禮畢予所仰

國朝寶鑑卷之二十三
觀者今何敢偃然酣寐○五月詣文禧廟行奠酌禮教曰逢此月孺慕轉益莫逮永言戊辰以前衛護之功予其敢一日不在于中仍臨和平翁主祠宇奠酌歷臨延齡君祠宇又親酌恩信君廟失聲鳴泣御袖盡濕左右皆感動泣下○先是移設統禦營於江都陞喬桐縣監為府使兼防禦使至是朝議以喬桐海防要衝不可不管轄三道命復水使統禦使舊制○閏月命兩銓所存舊日望筒中若有先朝御諱奉藏則依先朝故事精粧

帖子奉安于奉謨堂 列朝落點望筒毋論備局堂后兩銓各盛櫃子藏于各其本司廳壁楣上○命入各道徒流案親行疏決○命法聖羣山兩鎮將並作邊地遷轉階梯為漕運海防所重也○上見殿宇雨漏以器承之教曰一國之中姑勿論雖都城內外貧氓寒士之能免床床者幾希仍命施五部頽壓戶恤典○六月平安監司以大同江水因雨漲溢民家漂壓啓遣入直宣傳官騎驛慰諭○秋七月明川等邑被水灾命渰死戶設壇祭

國朝寶鑑卷之十一
三
之灾民糴穀身布并蕩減明川復一年○上
自即阼初以永祐園形局淺狹不叶于吉嘗
分命地師歷審諸山惟水原花山已亥舊占
處最吉至是錦城尉朴明源上疏請亟舉大
禮 上乃召大臣二品以上以疏示之咸曰
都尉疏實是宗社無疆之大計 上泣而教
曰山理有無予何質言先儒此安彼安之說
亦不可謂無是理然若偏信術人輕移瑩域
在匹庶尚不可况國家至重至大之禮乎惟
予至慟至恨夙宵結轡念到土親膚三字寧

欲無知今幸予意先定詢謀僉同欲求遷奉
莫如水原之花山辛亥儀軌及古人文字已
有定論水原一區之天慳地秘以待今日豈
人力所及乎仍命大臣諸臣先審永祐園僉
見與都尉疏脗合又審水原新占地咸稱天
作吉兆乃定園寢于花山癸坐之原取癸丑
遷寧陵辛亥遷長陵儀軌參倣行之謂摠護
使金煜曰不以天下儉其親聖訓也以予固
所自盡之道務欲極盡其美又教曰屏風石
欄干石 寧陵朝以後命勿用今效盡誠之

義屏風石瓦簷裳石皆用之惟欄干石祛之
蓋為不敢如式也後嗣王若觀今日或復踰
制則非予本意也○八月上新園號曰顯隆
命移水原府治于八達山下仍設行宮○詣
永祐園具總服行啓園禮 上攀莎彌擗哀
毀過節移時昏塞左右扶奉還齋室少定教
曰予慟矣乎貽戚於 慈宮非不知也致誠
於終事非不念也方其慟時予不自知其慟
也議者或言本生親緬服於禮無之 上聞
之泣曰予於昔日不得衰麻今欲寓追服之

意少伸至慟於禮何悖○上追念壬午以前
盡分諸臣前後皆加表獎至是又命議故宰
臣韓光肇謚贈故承旨任城鄭純儉故縣令
金履坤職○冬十月詣園所親審撤隧之役
奉出梓宮 上擗踊哭徹曉不止氣度凜綴
而指導引行諸事新園工役無一不整勅
上泣語諸臣曰舊壙灾害若是極備忍奉玄
宮於二十八年之久予之不孝也而今以後
庶慰終天之慟至於籩豆之薦儀物之備亦
可以一分伸誠仍涕隨言下自成殯朝夕奠

上食晝茶禮皆親行而代奠用國典亮陰之制且取禮非虞不沐之義也大舉進發上欲步從因大臣力諫御馬隨後初欲隨引因慈宮懇挽遂到江而還宮○詣新園下玄宮行虞祭是夜親審園上工役自啓壙至是日天氣清朗冬候弛暖回鑾之夕大雨雪以風寒威陡嚴盖天相之也○親製誌文教諸臣曰誌者將以傳後不忍書而書不忍言而言所以明兩宮之慈孝而校予小子之心也其藏于幽宮以俟百世○命撰園幸定例橋

梁勿煩經費器用芻豆勿責儲置陪扈百官及軍兵定數省簡官受盤纏津路渡涉初為舟橋之制設置舟橋司句管上親運睿思為舟橋指南以行之越四年節目成

路以露梁為定宜陵靖陵章陵顯陵園幸行時及溫幸時並用此路獻陵英陵寧陵幸行時移設於廣津一岸之左右收聚雜石鱗比高築以石灰填補其隙一京江大船見在者八十隻橋梁所入者三十六隻外餘船並為分立於舟橋左右以為維繫衛護之地一橋制排聯之際先擇體最大杉最高之分於中央因以大小高下分聯於左右於江中以表中央因以大小高下分聯於左右使橋制中高兩端低下直當彼此向流下旋而駕龍木錯排互進直當彼此向船得動搖然後於岸上船結縱梁及撐柱一

留門	箭門	退則	轉屈	縱梁	不水	潮邊	穿邊	字欄	方木	結木	合處	掩釘	三寸	板之	插之	兩頭	尺每	別取
陣以	門以	則平	梁伸	成路	水往	邊錫	邊錫	欄干	木次	木左	處又	釘對	寸上	之因	之跨	每船	取松	
大將	表江	表鋪	潮頭	勢來	往來	以連	以連	為插	右邊	右邊	於合	於合	次橫	一兩	以船	各以	木於	
自水	舟橋	舟連	進則	略地	之為	為插	為插	於兩	短邊	短邊	板又	板又	鋪於	湖分	船之	五株	長山	
曹中	界路	界路	頭隨	隨之	隨之	隨之	隨之	隨之	隨之	隨之	隨之	隨之	隨之	隨之	隨之	隨之	隨之	
二望	一將	一將	一將	一將	一將	一將	一將	一將	一將	一將	一將	一將	一將	一將	一將	一將	一將	
擬入	受以	受以	受以	受以	受以	受以	受以	受以	受以	受以	受以	受以	受以	受以	受以	受以	受以	
點若	點若	點若	點若	點若	點若	點若	點若	點若	點若	點若	點若	點若	點若	點若	點若	點若	點若	
值該	值該	值該	值該	值該	值該	值該	值該	值該	值該	值該	值該	值該	值該	值該	值該	值該	值該	
營營	營營	營營	營營	營營	營營	營營	營營	營營	營營	營營	營營	營營	營營	營營	營營	營營	營營	

者層	石築	土盛	穴處	植於	各以	木按	挿入	以體	項舡	兼管	都廳	負自	例兼	之監	人差	麻而	使臨
兩縱	築底	盛於	處以	於下	以小	按小	入五	體大	舡懸	管濬	廳一	自備	兼提	監董	差出	而仍	時隨
箇橫	底後	於空	以下	方抹	下於	於木	柱木	方木	川則	司則	別三	局三	調三	造三	都監	作幸	啓請
壓貫	後石	防其	方木	木各	木中	木中	木中	木中	木中	木中	木中	木中	木中	木中	木中	木中	木中
鎮中	面直	下積	方積	木橫	木橫	木橫	木橫	木橫	木橫	木橫	木橫	木橫	木橫	木橫	木橫	木橫	木橫
於左	方木	積於	積於	積於	積於	積於	積於	積於	積於	積於	積於	積於	積於	積於	積於	積於	積於
右木	柱更	於木	於木	於木	於木	於木	於木	於木	於木	於木	於木	於木	於木	於木	於木	於木	於木
鋪更	以仍	木上	木上	木上	木上	木上	木上	木上	木上	木上	木上	木上	木上	木上	木上	木上	木上
板以	體肩	兩傍	兩傍	兩傍	兩傍	兩傍	兩傍	兩傍	兩傍	兩傍	兩傍	兩傍	兩傍	兩傍	兩傍	兩傍	兩傍
邊體	大架	使四	使四	使四	使四	使四	使四	使四	使四	使四	使四	使四	使四	使四	使四	使四	使四
使大	架使	四使	四使	四使	四使	四使	四使	四使	四使	四使	四使	四使	四使	四使	四使	四使	四使
不得	木四	面之	面之	面之	面之	面之	面之	面之	面之	面之	面之	面之	面之	面之	面之	面之	面之
得木	四使	之使	之使	之使	之使	之使	之使	之使	之使	之使	之使	之使	之使	之使	之使	之使	之使
進最	面分	按之	按之	按之	按之	按之	按之	按之	按之	按之	按之	按之	按之	按之	按之	按之	按之
退長	分按	之按	之按	之按	之按	之按	之按	之按	之按	之按	之按	之按	之按	之按	之按	之按	之按
○兩	壓沙	鑿穴	鑿穴	鑿穴	鑿穴	鑿穴	鑿穴	鑿穴	鑿穴	鑿穴	鑿穴	鑿穴	鑿穴	鑿穴	鑿穴	鑿穴	鑿穴

諭水原始興果川民人曰是府即予松楸之鄉爾等是鄉之民也予之視爾等如視家人裕其食足其產俾知安生樂業之方庶可以盡予責寬予思尋常蹕路猶施息澤况是鄉是民乎爾等知予撫摩之苦心一乃心力共護園寢仍命水原全邑復一年蕩舊糶園所附近面里及徙居民復十年蕩新糶水原果川父老之再瞻温幸羽旄者朝官年七十以上士庶八十以上人加資兩年輦路民戶復一年○十一月校理尹光顏奏言君臣分義

雖截嚴上下之間必須各盡其道 聖上於

臣僚每以分義二字督迫故在下者率多怵迫喪守其流之弊將使風節日以消縮庶防日以放倒畢竟截然之分義及有不尊之嘆上嘉納○初復銓郎通選之規至是命罷之曰未見激揚之效徒啓奔競之門○十二月命修改崇義殿教曰設置殿宇世襲其祀即倣周家三恪之遺意 列聖朝盛意有以仰認仍遣近侍致祭守護之官初付監自監為令為守○命宣讓寧大君至德祠額遣承旨

致祭御製祠記揭板孝寧大君清權祠亦致祭調用祀孫○上以綿布賞宿衛將士教曰古人有粒粒辛苦之語此則絲絲皆辛苦也想老杜詩彤庭所分帛本自寒女出句未始不感然○講國朝寶鑑教筵臣曰惟我祖宗允文允武克集大命爰致泰平時則碩輔蓋臣協贊同寅以啓我無疆之業凡今廷臣盍以乃祖之事 先后事予於今日也今讀是書不但予所自警亦有所期望於廷臣也○上教筵臣曰天下無無一能之人若聚十

百人而各用其長便為通才如此則世無棄人人無棄才矣

庚戌十四年春正月藥院入診都提調蔡濟恭

曰見 殿下所御衾具昭儉之德至此乎

上曰予於章服或取精潔至燕居不問麤劣非曰崇儉式遵我朝家法而然○上俟違豫浹月始平復大臣請舉賀儀答曰不存无妄之戒致煩惟疾之憂予方自訟之不暇陳賀之請豈可以典禮所在而聽施終不許○二月謁太廟永禧殿駐蹕雲從街召關東北兩

西流民慰撫之曰停糶蠲布調賑方張春事
又殷胡不耕作而奠居流離道路也仍於輦
前給米衣薄者給衣願還者給糧○詣顯隆
園親祭周審左右岡麓至禿城山城運籌堂
教曰庚辰溫幸時駐駕山城登鎮南樓射的
獲四矢問民疾苦予於三十一年之後臨此
城坐此堂召見民人細問故事不覺愴傷入
庭父老僧徒並加資城內民戶戶給米包○
忠州儒生上言請修永豐君琮墓教曰 肅
廟追復 莊陵效節諸王子皆令改葬賜謚

獨永豐家未及延謚近聞永豐墓在高陽夫
人墓在忠州朴彭年先塋之側令畿湖伯修
除墓道立石以記之又命主祀人差守令宣
謚日賜祭于永豐墓墓失傳就其地設壇祭
之令度支劃給香火之需永豐即朴彭年女
婿而夫人同時立節也○上謂左議政蔡濟
恭曰車天輅以如許文章文集尚未刊行卿
其收輯以成完帙也○嶺伯以咸陽郡糶弊
啓 上歎曰惻然恤然不覺坐夜將曉十萬
包民食包包塵土粒粒糠粃何辜咸民胡寧

忍斯虛殼虛簿並令付火差崔顯重查正御史往釐之又命居昌安義山清倉穀之虛殼虛簿者一如咸陽○親行文廟酌獻禮以孔夫子朱夫子生年也先詣啓聖祠行奠酌禮○大司成李勉兢以本館書籍苟艱仰奏教曰尊經閣建置法意有在而書無完帙豈非大學之貽羞北漢所在經書印藏于尊經閣書籍令久任典籍句管○三月命關西海西鐵箭自二百步至一百五十步能射者北關騎芻每次四五中者抄聞關西武出身子支

有廳收布依北關例革罷教曰西北尚武之地不思興勸之方是豈求馬於冀北貢竹於荆南之意哉○禮曹啓言北道陵殿誌樗亭在濬源殿左麓二百餘步古有樗木體大十餘圍枝蔽百餘畝 太祖大王嘗御其下宜有表識請依道啓因地形圍石砌從之○施文簡公金淨不祧之典命主祀人初仕調用因兩湖儒生疏請也○諭關西伯曰以西俗之趨末利尚雜術不加憂悶綸音以印布傳教以鑄楮丁寧誠告期有觀感十室尚有自

好之士况以本道幅員之大豈無歛華就實窮居不求聞之人乎先加採訪登進于朝則何靳收用另更著意以副朝家為西土聳獎作成之至誠苦心○夏四月判下獄案教曰文案一徹看閱百回值夜不覺燭屢跋當飯每致食失時恐有橫罹之怨仍成金石之案揆諸法而不可活則反之於情情與法莫可濶狹又必較看於痕損之錙銖分寸供招之字句旨意自以為十分無疑然後始下筆斷斷此心期欲寬無覆盆殺必償命惟齊不齊

庶不失其正○御定武藝圖譜通志成武藝譜凡六技曰棍棒藤牌狼筈長槍銃鈚雙手刀 宣廟命訓局郎韓嶠質問於東征游擊許國威撰次刊行者也 莊獻世子代聽時增十二技曰竹長槍旗槍銳刀倭劍交戰月刀挾刀雙劍提督劍本國劍拳法鞭棍也纂修圖解作為新譜十八技之名始此 上即阼初命並新舊譜肄習試取尋命內閣官李德懋朴齊家壯勇營將官白東脩等裒成一統又增騎技六曰騎槍月刀雙劍鞭棍擊毬

猿騎通共二十四技親撰序文弁其首印頒
京外軍營○六月丁卯 元子誕降于昌慶
宮之集福軒親上賀箋于 慈殿慈宮受百
官賀諭中外臣庶曰今予欽承皇穹之篤棐
祖宗之默佑歲庚戌月庚戌之丁卯其日元
子誕生是年聖賢以降之年也是日 慈宮
上壽之日也積雨忽晴景晷如畫彩虹亘於
廟井神光繞於宮林此非天與之喜乎叶律
之聲纔出於抱孰使真郵而傳命恰如家道
而戶喻肩摩足蹴髻白溢街者其欣欣之色

躄躄之狀即乃身乃家之私福不是之甚此
非人與之喜乎予無享天之德得人之政而
予一人有喜天喜之人喜之予將何以答天
而報人予聞天則無心以人心為心人心之
所同然天心之所由悅也如欲答天又可不
於報人乎屢施不一施廣布無前之惠澤揚
厲曠古之熙運哉赦令則名編案籍者一千
一百五十二人悉許宥除有司之臣莫曰經
用之告匱人心和則天心和天心和則雨暘
時而物阜歲登况庚戌之自古屢豐也乎諸

道舊糴丙申春以前勘簿者拯劣米最久一年條并行蠲免結稅漁稅鹽稅船稅場稅寺稅等應列於稅摠者分數減除京中各貢契舊遺在限二萬斛市民徭役限二朔津隸懸房贖限三十日亦令蕩滌施惠所以同慶徧于民庶何後於耆耆儒武卜日設科取人朝官年七十以上士庶八十以上人各加一資過百歲老人加給米肉惟爾八域有衆其詳聽之京外受資者凡二萬五千八百一十人宣飯羹于大臣閣臣文武二品以上抄啓文

臣太學生又招集貢市人等給米○教筵臣曰 慈宮教曰昔我逢生朝輒無佳粽自明年是日我將飲食讌樂予奉 慈宮四十年無一事仰慰 慈心今日始承此教予心益欣悅拜 慈宮有頽矣○秋七月親臨都政飭銓官曰今年此政宜有慶賴之典官人豈為徼福之資而自有邦慶益念恢蕩之政者欲望朝著之間混物我合踈密無不着帽之人無不做官之族無不沾祿之家使出身通籍者流欣然同浴於春風和氣之中則豈不

義哉人和則天地之和應祈永之原實在於
是○八月審理京外重囚二百二傳生者一
百九十五仍囚中年七十以上人令諸道狀
聞教曰年八十者勿令成獄即大明律成式
也矧今大赦之會久囚之年七十以上者若
不區別處分烏在其疏釋之本意乎○結城
女有為救其夫口咬人致死者法官具獄請
償命判曰子衛父妻為夫一也即令決放○
筵臣有言甘露降宜令書史冊教曰人主以
豐登為上瑞外此禎祥非所求也○命徒流

人妻若妾之願從者依律文許施○冬十月
詣太廟北垣看審北墻門改建之役謂侍臣
曰北墻門之設在 太宗朝朔望展拜輒由
是門內殿行廟見禮亦由是門今之月覲門
蓋倣此也又教曰改建北門匪直為內殿廟
見欲追遵朔望展拜舊事也○十一月親行
毓祥宮冬享教曰是歲是月是日是宮是享
即體 先朝出天之孝思慶今日符甲之洪
休誕育 聖躬之功之德蓋肇於此惟予邇
源追本之念何以記之贈領議政崔孝元家

遣禮官致祭○十二月教曰是年庚戌予觀
舊甲之重回敢不以先王之心為心乎月
前拜宮歸路粵瞻西樓增我孺慕述事之舉
豈可踰歲文臣嘉義年七十以上已經亞卿
人并陞拜知中樞趁除夕肅命於耆英館之
西樓○上教筵臣曰予新題寢室曰蕩蕩平
平室蕩平二字即我聖祖五十年盛德大
業也予之一念惟在於追述先烈惟人是
擇惟才是取舉一世同寅協恭偕底大道○
教筵臣曰聖人無常心以百姓為心予平生

服膺此語故壁上書此庸替座右銘○御賓
筵語大臣曰均役減布即先王盛德而任
事之臣不善對揚先王每以漁鹽稅近於
權利選武布歸於罔民為教予欲一番矯革
以為繼述之道今之人才比其時亦不及焉
變更之際弊或反甚以此不能決意行之也
辛亥十五年春正月下勸農綸音于八道兩都
曰予於是年是月尤有惓惓焉者元良邦本
小民亦邦本民安然後國安一理相須隙不
容髮可愛者非民可敬者非民此所以誠小

民為祈永命之本予欲重茲民天以勸農為目下第一先務內而公卿外而長吏實心承佐以答我皇天 祖宗眷顧保佑之新休景命○詣顯隆園駕過露梁遣承旨致祭于六臣墓四忠祠及文烈公朴泰輔書院○上以端廟復位 溫陵復位之禮皆因申奎之言也命奎後孫調用○禁各官房圖署侵漁外邑之弊教曰壬辰後疆界混淆主客難分豪右兼并公田日蹙故相柳成龍建白為折受之制今過二百年疆界已定折受稱蹠之尚

此循襲已無義并與屬稅之法而中間拋棄名以折受輒許免稅常所切慨今因官房圖署事舉一足可及三自今申加嚴飭以土地折給公文若非啓下隨即狀聞○二月京畿儒生上言請和義君璵追享彰節祠 上曰如錦城和義等節義之出於宗英尤豈不奇壯兩宗英外多不下於死六臣者今於追配之時一體施行實合獎節褒忠之典令內閣弘文館博考以稟會寧越府火燒民舍子規樓舊址出即 端廟所曾御也道臣以改建

國朝實錄卷之三十三
三
聞 上曰異哉火忽燒廬舊礫現於土底文
礎露於基上窮冬絕峽大雨三日融盡寒雪
木於是斫石於是斷正月而開基二月而立
柱其事功之速就可見神理之叶人情是樓
體貌反有勝於丁閣與配食考定之舉巧湊
同日若誘予衷豈特曰有時存焉仍命賜礪
良府院君宋珰壽都摠管成勝別雲劔朴靖
副提學曹尚治謚贈朴季愚河珀職定盡節
諸臣配食之典教曰六宗英也五懿戚也三
相臣也三重臣也兩雲劔也六臣與六臣父

若子中卓異也許詡及慥朴季愚文敬文獻
之子若孫而尤迥異也順興府使李甫欽都
鎮撫鄭孝全也右三十一人定以配食事未
詳者趙遂良等十二人坐收司者宜春君等
二百二十四人祭于別壇拚死奮義戮力於
終事之地惟嚴戶長一人以不在死節之列
獨漏於配食乎贈參判嚴興道俾與三十一
人位序之次故處士金時習太學生南孝溫
一體附享於彰節祠三十二人壇食當有祝
祠版書以忠臣之神別壇則造三版書以癸

國朝寶鑑卷之二十三
十六
丙子丁丑死事人祭時以紙榜列錄姓名
無祝仍命編成配食錄增修蒞陵誌○詣弘
陵親祭以 聖后誕降之百年也○命各陵
園典祀官以三司填差著為式○三月知中
樞府事申義清居文義以百歲老人上京肅
謝特除都摠管召見義清言臣生老鄉塾知
生民苦樂專在方伯守令之賢否 聖上愛
民之盛德民孰不知但分憂之臣率多不能
對揚惟願慎擇清儉之人俾任字牧臣竊效
獻芹敢將賤臣年壽與子孫之數獻 殿下

又獻 元子宮 上曰古稱乞言於黃耆鄉
言甚好今日見百歲老人可謂壽富貴多男
子於古罕聞亦國家瑞徵先陳為生民慎擇
監司守令之方次獻其年與多子孫不待乞
言有此質實之奏予當有酬答之舉還鄉後
令地方官米肉輸送仍致宴需命銓曹調用
其子又親撰序文以贈後謂筵臣曰皇明初
人有年百歲者命其居曰人瑞坊申義清真
古今罕有之完福其為瑞也豈不愈於漢唐
以來神爵寶鼎甘露靈芝之瑞乎○諭左議

國朝實錄卷之七十三
政蔡濟恭曰天下之無告而切矜者莫過於
我國內寺奴婢自昔 聖朝軫其冤苦奴貢
二疋而為一疋半婢貢一疋半而為一疋
先朝又減半疋至甲午除婢貢只存口錢於
是乎奴貢與良役均婢則無役矣予又罷刷
官付之列邑然而為弊有甚夫祛積鬱之弊
惟在於去其名然箕聖以來千有百年流行
之法而名分之大界存若去其名私賤將效
而做之名分將掃地若此則貢奴之弊其莫
可議到耶以卿閱歷必有意見合對揚者逐

一指陳以副予繼述之苦心仍命博詢諸道
○夏四月詣太廟齋宿 上以享祀時樂章
謄寫慮有錯誤命樂院以龍飛御天歌樂學
軌範及 英廟所編樂章活字開印每章注
以其朝頌功德之辭○上自初元有庶流疏
通之教嘗曰 宣祖之教曰葵藿傾陽不擇
旁枝人臣願忠豈必正嫡大哉 聖人之言
也然我國規模重名分尚地閥許要不許清
已有古人定論頃年臺閣通清實出於 先
王苦心而反歸有名無實許多庶流豈無才

俊之士可以為國需用乎仍以疏通之方議大臣命內而三曹郎及判官外而郡守兵虞候收用又命嶺南庶流中拔萃而未登仕版者先試儒任鄉任至是上謂國子長柳勳曰凡民俊秀皆入太學王公貴人與之序齒庶流地雖卑微均是班族豈獨使別坐南行乎其所以矯革非卿之責乎○五月設壯勇營先是壬寅春遵肅廟故事選武藝出身及曾經營校三十人分番直明政殿南廊乙巳稱壯勇衛又倣戚氏南軍之制置五司二十

五哨是年減禁旅一番五十人移設壯勇衛用額外內禁衛之規設額外壯勇衛十人以士夫充之又置善騎隊三哨以訓局京畿陞戶移屬之馬步京鄉軍共三千四百五十用兵曹別付料兵房之規設兵房領軍務罷內司庄土之厚斂於民者設屯田於兩西減內外冗費冗額出帑錢儲穀諸道以備營用又置提調以曾經戶惠堂人差除教曰壯營之新設予自有深意非為重宿衛也亦非為備陰雨也幾年節省不煩經費團束粗成設施

國朝實錄卷之二十三
三十一
方張予意蓋將有待未諳裏面者何能知予
苦心將有成就予志之日矣○命刊行文襄
公梁誠之遺稿嗣孫調用○六月塵民因內
局及度支市貿或受弊廟堂上矯揉之策教
曰都下無非游手而効力者惟塵民也是為
邦本中邦本苟有利益於渠輩肌膚且不惜
凡市塵貿易之法永為除罷○掌苑奉事趙
有善奏言本署即故忠臣成三問舊宅而無
子孫贖還雖無可論宜有徵信文字命記其
故實揭板廳事○元子初度設百玩盤于集

福軒命大臣卿宰入瞻領敦寧府事洪樂性
曰伏覩 元子所御衣服從儉之 聖意不
勝欽仰 上曰衣尺之長無異三四歲兒每
遊嬉時或轉步或欲語可謂夙成矣諸臣齊
奏曰日角天表真是大聖人氣像實我東方
無疆之福宣饒于諸臣以及胥隸軍卒通衢
民庶特蕩朝官士庶竄配以下罪名○秋七
月先是京營獵雉軍即鷹師舊契也每放獵
十百為羣橫行峽野間里繹騷 上特軫其
弊命革雉獵許令代捧至是命并罷諸道臘

肉猪獐鹿獵獻之例自京廳作貢○宮人李氏嘗承恩於景慕宮老白首守窮廬不接人面上聞之興感賜爵守則賜號貞烈扁其居曰守則李氏之家○八月召見副摠管李灌上曰阻面今為二十年乞言者臣故事也其陳之灌曰中庸曰誠者天之道誠之者人之道也誠者實心做去之謂也誠之之道專在於保嗇精神凝靜專一上曰卿言儘好○教曰文體關世道治音舒而緩亂音噍而殺其矯正在主司者國子長若得人久

任必有培養之效自今勿拘三銓階梯必取文學而專其任雖遷除亦兼帶以禮曹參議定為三銓階梯○戶曹以年分事目啓判曰小民之終歲矻矻認作口吻物者即田種若彼彼損恫若在已墾沒之田做綿田例給災○九月諭全羅監司曰湖南是名賢節義之鄉也名碩家子孫讀書飭躬者膺力赳赳者勿拘常格分秩狀聞○司直慎基慶上疏陳時事答曰卿以耆耄之人自經一番筵對頗陳無隱之言其誠可嘉其心可愛令該道給

國朝年錄卷之二十三
二十三
食物此後如有可言之說須如前勿怠○忠
清監司以全州金啓孫聖孫兄弟復讎自首
啓教曰其孝絕可感其情絕可惻其心絕可
悲其誠絕可憐其意絕可獎有一於此在法
當恕况兄弟二人兼有五者之卓行而循例
傍引於擅殺讎人律文則其可曰導俗敦風
之政乎讎人既殺駢首自現以請其按法就
死古人所謂慷慨殺身易從容就死難者非
啓孫兄弟之謂乎雖載之二倫行實未知有
汰裁之嫌即為放送○幸思陵親祭命海平

府院君鄭眉壽墓遣官奠酌如莊陵配食例
致祭于礪良府院君宋玪壽內外墓府院君
墓失傳就夫人墓同祭命畿伯豎短表給守
塚二戶寧陽尉鄭悰設祭壇敬惠公主墓一
體致祭礪良府院君後孫寧陽尉祀孫調用
又命局內所在鄭氏十一墳陵官檢察顧護
○冬十月摸寫御真二本一本藏于景慕宮
望廟樓一本藏于顯隆園齋殿以替省定之
禮以寓瞻依之思也○命旌故相臣金燾之
間孝行卓異也○左議政蔡濟恭陳劄斥邪

學批曰異端云乎者非但老佛楊墨荀莊申韓為然凡諸子百家之書少拂於正經常道而非先王之法言皆是也闡發闢廓之責不在於吾黨之小子乎予嘗語筵臣曰欲禁西洋之學先從裨官雜記禁之欲禁裨官雜記先從明末清初文集禁之正其本者若迂緩而易為力揀其末者雖切至而難為功今予所欲禁者未必不為正本之一助翌年教赴燕使臣曰裨官小說姑無論雖經書史記凡係唐板切勿持來○十一月教曰齊之以刑

不如道之以德予將火其書而人其人命京外家藏西洋書者自首于官聚以火之凡為邪術者以刑以諭期於感化○上以嶺南海西無染邪之人是先正遺化也擢承旨李鼎揆亞卿授僉使李恒林閻帥鼎揆文元公彥迪後裔恒林文成公珥後孫也又命文純公李滉祀孫調用○十二月遣正卿致祭于故相臣徐命善教曰今日即故相臣尺疏叫閭而先大王大加褒獎特加陞擢仍命代以旌閭賜祭其家先之日也○教曰今日即我

國朝實錄卷之七十三
二十五
貞聖聖后誕辰而今年恰為百年予小子生
年適當 聖后周甲逢此日益切孺慕仍命
致祭于達城府院君徐宗悌岑城府夫人祠
版祀孫甄用○召見大臣備堂 上曰想卿
等早來予亦未明而起矣 肅廟朝每當賓
對輒清曉求衣 先王朝治平五十年無非
憂勤之日未嘗一日解衣而寢此是我朝家
法○命太常所進祭物提調監封定為式○
芸館進瓊林聞喜錄先是下御題于泮宮命
館學生及諸蔭官製進應製者三千人 上

親考其券仍命彙錄印行○上嘗教筵臣曰
予於雨暘未能斯須放心自二月至秋盡無
一日不勞憂慮惟冬及早春未解凍時始粗
弛心○御定樂通成 上以朱蔡之律呂未
及彼之管絃為恨槩括為是書

壬子十六年春二月右議政朴宗岳疏陳七條
一曰保嗇 聖躬二曰輔養 元子三曰嚴
懲討四曰開言路五曰懲貪風六曰養育人
材七曰振肅紀綱 上嘉納之○謁永陵命
坡州牧田結舊灾永許蕩減○三月定駕洛

國始祖陵春秋享儀教曰伽倻始祖厥享國一百五十有八年偉功靈蹟至今為東人之傳頌其官墓陵地在金海府自朝廷劃祀田置守丁立石表界禁民犯墾大抵致敬於歷代陵廟即帝王之令典嗣後時享送香祝邑倅奠獻監一人以貫於是鄉者克之又命依文化三聖祠平壤崇靈殿慶州崇德殿例以春秋仲朔行祭仍遣閣臣李晚秀致祭歸路致祭于崇德殿奉審新羅諸王陵各置守護三戶○溫陵局內有慎氏外孫成氏諸塚其

傍近樹木茂翳者令畿伯除伐之教曰陵內樹木雖有所重思陵有是舉本陵亦然者欲以聖后之心為心也○御內苑賞花釣魚召諸閣臣及閣臣之子弟勝冠者耦射聯句竟夕而罷嘗教筵臣曰君臣而兼家人父子之義然後情志乃可相通○夏四月飭京外另給飢民餬口庇身之需以沴氣熾盛也○杆城襄陽高城等邑民家失火遣御史洪大協慰諭命燒戶蠲糶減稅杆城民還集或新接者十年除役○閏月命蠲永興府山社陳

田之稅流民還集者公私征徭限年勿侵○
遣禮曹判書徐浩修奉審北道陵寢仍命攝
行咸興永興兩本宮及濬源殿酌獻禮及還
上謂浩修曰今此祀享即予緣情而制禮者
也道路夙遠不得不遣卿攝行自卿下往以
迄于今無往非虔誠致齋之時今既復命庶
可以少紓予憧憧之思○六月 上召見承
旨閣臣教曰今日即元子初度令卿等入見
元子取盤中珍果賜諸臣諸臣齊奏曰 睿
姿日就岐嶷聖人氣像出尋常萬萬矣 上

曰仰祝純嘏俯祈永命其在識喜當有同慶
命京外百歲以上人朝官年八十以上士庶
九十以上人賜米肉蕩滌朝官士庶徒流以
下罪名其中有罵詈士夫者教曰此非重罪
所係則分義也其仍之○上所御苧衫屢經
澣至於縷踈筵臣有以為言 上曰予豈無
一衣哉須有不盡衣者然後斯有貽諸遠者
存焉○秋八月召見內膳主簿金守曾康陵
參奉崔奎鼎守曾郭山人奎鼎朔州人以屢
世同居特命調用上問同居幾世守曾對

以六世奎鼎對以七世 上曰屢世同居必
有其道汝可詳陳奎鼎曰自臣先世效古人
敦睦之義後承粗守餘風而已○教曰今之
南壇即昔日郊祀之園壇也禮士庶不得祭
五祀大夫不得祭社稷諸侯不得祭天地我
東建邦創自檀君史稱自天而降壘石行祭
天之禮後皆因之以其不受大國分茅不至
於太僭也至我朝別嫌明微園壇之號改曰
南壇盖用郡國州縣各祭風師兩師之制也
致敬致潔之誠豈或以園壇南壇之殊稱有

所間然文獻脫遺近來見行之式反不如農
蠶釋菜獻官爵品古之正一品今為從二品
古之三色大羹和羹今為羔豕二色與五禮
儀所載差舛其議大臣釐正仍命南壇雩祀
壇先農壇先蠶壇獻官一依五禮儀品數填
差○飭銓曹抄啓經行之士○都下米直刁
踊臺臣請令有司禁之 上曰夫貿遷之方
錢與穀均之為貨泉當務平準之則要令百
川滔滔而其術不過曰導其源頭活水而已
今也設禁而塞其利利塞矣舟車之渡漢水

者其將望望然回棹而返轅是左計也任渠
輻湊任渠京坻一市之價既平一邦之食自
足此政古人揭榜增米價之意也○特施嶺
南灾邑蠲恤之典教曰凡事豫則立以今憧
憧之心須有制其安土聊活之責然後民將
真有所恃予亦得以對飯而下咽當寢而交
睫矣○九月引見大臣閣臣領敦寧府事洪
樂性等曰誕辰稱慶即典禮所載而每年權
停下情不勝抑鬱 上曰 先朝五十年每
命權停邵齡以後或有一二年俯循羣情況

予每事不欲張大豈可以是日受賀乎○謁
光陵下綸音諭揚州抱川民人特蠲當年餉
糴之耗朝官年七十士庶八十仰觀 先朝
丙辰乙亥幸行者並加一資過百歲人加給
米肉○命燕山君光海君墓遣承旨致祭○
遣承旨賜祭于文正公趙光祖文正公宋時
烈道峯書院○冬十月初命收用故都憲孔
瑞麟參奉孔德一後孫仍令兩派支裔倣中
朝衍聖公世爵之例世世祿仕至是教曰孔
氏之東來首居水原地載在邑乘令道臣圖

上基址果然有闕里之祠焉有銀杏之樹焉
有世居之裔焉又於距闕里數十里地有新
建影堂云其令道伯就其舊址建一屋子安
安聖像仍彌闕里祠御書祠額春秋降香祝
○親臨殿講特賜孔胤恒及第仍給樂令成
均館官導至泮宮使之巡堂○十一月劃給
嶺南穀十二萬斛湖南穀六萬斛湖西穀二
萬斛各補本道賑資○十二月 上將親行
太廟臘享既誓戒教曰臘日即 溫陵忌辰
也臘享異於時享日期不可進退太廟第五

室以上固有所重永寧殿 仁宗室 明宗
室於昭洋洋之靈得不怵惕於鍾鼓牲牢之
享乎凡廟享春孟秋孟外禴烝暨臘惟於親
享也並享于永寧殿今臘之享若攝祀則自
可仰體 兩室陟降在上之孝思况 孝陵
人倫之至其事 本陵誠慕之篤伏想無間
於 禧陵矣至若太廟第七室以下享事考
諸禮節明有可據况逮事不逮事經訓昭載
神道所在即人情所存行於太室十分至當
又若只行親享於太廟有不敢為者二端一

曰既親享而獨闕並享於永寧殿之不敢也
二曰厨院封素膳而廟中受胙之又不敢然
福酒脩牲皆受自第一室罇俎其體貌之尊
嚴胙肉之不敢不受有如是矣於是乎攝祀
而情禮之缺然小以 祖宗之心為心大太
廟臘享遣大臣攝祀○先是尚州儒生疏請
壬辰死節之三忠臣尹暹李慶流朴篋建院
躋享配以金俊臣 上以建院之涉邦禁難
之至是教曰追聞尚之人士就其辦忠之地
設壇以祭又築別壇以將卒侑之云若知是

地之有是壇則因其壇而祭之用愍忠壇故
事豈不便乎仍賜號曰忠臣義士壇立短碣
於壇後又因道伯鄭大容言以義士金鑑配
侑○教曰今予之寤寐一心長懸於嶺湖節
屋之中凝沍栗烈歲飜在即念及餅罌竭而
困於催科則食何暇甘想到杼柚空而悴於
徵賦則衣敢求煖三南之中嶺南為最各邑
明春大同木綿特許純錢○教曰我朝家法
對羣下未嘗斥呼名姓雖記注庶官必以官
呼之史官傳命之際往往不官而名之此昧

國朝寶鑑卷之七十三
例也新進年少所宜講明○上親臨訊囚語
筵臣曰凡鞫罪人例問其同謀知情者然如
有不幸而一出其口者雖以造化之柄欲施
好生之德其勢末由諸臣多力請予則終不
以此設問意亦有在○御射十巡中四十九
矢留其一矢筵臣仰請其故 上笑而教曰
陳堯佐號謂小由基史稱其十中八九其難
也如此何必盡取之乎○濟州饑移穀一萬
斛賑之親撰祭文祭海神於菽船及到泊慶
國朝寶鑑卷之七十三

國朝寶鑑卷之七十四

正宗朝六

癸丑

十七年春正月朔詣璿源殿行酌獻禮

上自御極後每月朔望必拜真殿是日以

英宗寶曆恰滿百歲命大臣卿宰侍從參班
教曰月正元日真殿禮成是年何年入戶周
旋益不禁孺慕何以記此日乎京外百歲以
上老人各加一資外方人令道伯賜米帛遣
地方官張樂設宴今日祝文有元正祗拜若
問寢晨來庭皓髮亦多者臣之句感舊之意

國朝實錄卷之二十四
一
宜施逮事 先朝之卿大夫亞卿之丙申前
陞秩下大夫之在本品而參班者并加資陞
品者凡二十一人進箋謝恩彙為一書名曰
癸丑覃恩錄命蠲貢遺市徭蕩諸道丙申前
舊糴○教曰元朝祇謁廟宮當以 先王之
心為心駐輦弘化之門召見隨計之吏一則
是門即 先朝賜米四民之門也一則以內
下賑資俾各歸布長吏也仍分下內帑錢四
千緡胡椒五百斤于三南道臣俾補賑資○
命滿浦鎮王洞上土鎮麻嶺許民耕食從浦

鎮黃水楸嶺隘處募民勸耕從江界府使權
襪言也○謁顯隆園命水原府使陞為留守
兼壯勇外使行宮整理使惟大臣武將須特
旨又置判官以佐之又命壯勇營兵房為壯
勇使扈衛大將合廳而屬之○二月安東士
人柳弘春坐愆糴受刑邂逅致死其妻金氏
血指為書暴其寃而從夫死事聞教曰死者
茹恨姑無論隨而下從者幽寃何以慰洩仍
命金氏旌閭府使金履翼配遠地○筵臣有
言小民之上言擊鼓近甚猥雜 上曰唉彼

無告懷抱幽冤奔走來愬若赤子之控于父
母彼固無罪使之然者罪也○夏四月命長
淵之大小青島募民許耕○五月特贈故忠
臣金厚孫左承旨司饗院副提調厚孫江西
人 宣祖癸巳駐蹕本縣時值兵燹邑厨無
物厚孫搬米外村遠求水陸饌品竭誠供御
厨者六十日邑人感其忠以其奔走來往名
前川曰千渡川道臣采邑誌以聞 上嘉之
令紀其蹟於片碣豎千渡川傍○秋八月教
曰祀品所重莫過於簠簋豆籩之十有二

品脯居其一古之長八寸餘今為一尺三寸
廣一寸半今為三寸半厚二分今為一寸三
分尺度之長用禮器尺八寸餘者引儀禮脯
臠尺有二寸之文為據周尺之尺有二寸即
禮器尺之八寸餘也 列聖朝制禮以及徽
品咸秩有序 孝廟辛卯申修古制 肅廟
乙酉下飭教 先朝甲子亦有聖諭自今脯
式依儀禮及我朝之制作尺度申明定式度
支造頒鑰標○定太倉官自辟久任之式從
戶曹判書沈頤之言也○喬桐府饑遣御史

國朝通志卷之二十四
三
尹致性慰諭移穀二千斛賑之○海西延安等邑饑遣御史洪大協慰諭別下綸音劃給賑穀七千斛○冬十月教曰臺諫事誠慨然臺廳長時閉鎖賓對輒事違傲若事關懲討公車日積不然則並與官師相規而無聞焉上而衮職之獻替下而生民之苦樂豈無可言而一味含默耶次對之不得請牌曾有下教此後切勿請牌○行司直李文源奏言公私服氅衣既純用青色私服之用白靴亦宜禁之從之○召見百歲老人余善傑金山人

也教曰問生年對以甲戌其在尊年優老之道當有別般示意特超崇政階差五衛將令度支造給玉圈該道給衣資宴需還鄉時給馬○十一月命雲觀京兆進憲書獻民數時領事判尹親呈以敬授拜受之義也○大臣禮堂以明年 慈殿寶齡躋五旬 慈宮寶齡躋六旬請進彌 上曰自內導達每下固拒之教矣尋命元月只舉賀禮諸臣請冊儲上曰予意欲遲待七八歲矣○掌令姜鳳瑞濟州人也疏論牧使李詰運竊穀虐民之罪

國朝實錄卷之二十四
四
上以土民効地主有關風化投畀鳳瑞以校
理沈樂洙為御史往覈之詰運坐謫下綸音
諭濟州民人曰橘包登盤則想爾等之辛勤
栽培馬羣來庭則想爾等之奔走畜牧每當
北風颼颼雪花翩躚則慮到貢船惺惺不寐
爾等知予心眷眷否乎去歲萬斛之哺特濟
爾等頗領之急方其泛舟也申諭於道伯微
福于海神風靜浪恬其還如往逮夫春晷載
陽凋賑伊始無非予為爾等憧憧之日直到
仲夏獲接告竣之啓南顧憂虞為之少紓噫

一陽肇生萬品將蘇爾其能畢糴於倉息肩
於室為酒食以養父母為衣褐以及童穉歟
來牟之在大熟舟楫之人人利涉深有祝
於爾等○十二月飭朝官隔等者讓路回避
之規從行司直李文源言也○內閣弘文館
以上辛祈穀祭用立春前後當否博攷以啓
詢大臣及館閣議不一教曰經曰天子元日
祈穀元日之釋以上辛昉於鄭玄之註所釋
者不甚分明如吳操之陳彭年輩臆決之論
固不足為輕重禴祠烝嘗不以啓閉分至為

限十日必於上旬考之古經既乏的證求諸通義綽有明據况諸侯之禮異於天子于社不于郊豳人猶於季冬而祈歲歲致大有頌騰屢豐神其監茲貽以曾孫之慶者在予誠敬豈在立春前後乎祈穀之用正月上辛依時用之例○教曰故處士柳馨遠磻溪隨錄論水原形便移治之謨築城之略身在百年之前燭照今日之事見其書而用其言尚謂之曠感其書不見而如見其言未聞而已用其人之所抱固富矣即此華城一事在予可

謂朝暮遇加贈成均館祭酒其嗣孫訪問以聞後又加贈吏曹參判○行司直鄭民始奏言法典本無治賊之律凡有賊吏直斷以監守自盜律犯賊者未有不滿四十貫者過此數則雖千萬金亦皆同律請令法官議大臣隨賊多少定律輕重諸大臣議律文已定之外不必更立名例 上令金吾指一稟處義禁府啓言灾結私用糴穀立本者輒歸之挪移而照律故法無所施灾結私用百結以上糴穀立本千斛以上者并嚴勘宜也 上可

之○上嘗閱法府奏讞見罪重而情不當抵
辟者顧筵臣歎曰是誠何辜天下本無必可
死之人直由在上者有以導之也明道所謂
吾黨激成之者真千古格言○羅州民李鳳
運兄弟毆打人致死獄既具判曰兄弟爭死
可見秉彝不泯一獄兩犯多從疑輕况正犯
之難別於伯仲乎三尺與五倫參互輕重特
以減死論○故吏曹判書宋言慎家舊藏
宣祖御札 宣祖駕駐龍灣時言慎觀察北
關賜手續屬以北路事者也 上取而奉玩

命守臣就其家閣以奉之賜言慎謚

甲寅十八年春正月御仁政殿行賀禮頒教大
赦朝官年七十以上士庶八十以上人並加
資資窮人歲饌量給貢人舊遺在市民徭役
泮人懸房贖蠲減有差諸道舊糴十萬斛拯
劣米最久條並蕩減 上親受內閣賀箋
元子侍焉山呼者五閣臣以仰問 元子答
曰四呼千歲為 四殿祝也其次余亦千歲
諸臣齊聲獻賀○更定太廟捧俎之式教曰
享先之道誠敬篤至然後可以格神禘之既

灌聖人猶歎其怠忽焉今太廟大享捧俎官多而無以慎擇况登陞駿奔之際雜還顛錯至於薦獻之遲滯且以億萬年悠久之計其所裁酌尤當致意牛羊豕俎三匣合盛於外大匣使捧俎官一人入傳于薦俎官薦俎官受而授大祝大祝與廟司奉奠于俎床自春享著為例捧俎官親享時各室各差一人攝享通差五人○詣顯隆園親祭仍審華城城址謂領中樞府事蔡濟恭曰園所花山也此府柳川也取華人祝聖之意名此城曰華城

且字音華與花通花山之義盖以八百峯巒拱護一岡圓正如花瓣之謂也然則柳川之城南北稍長亦如柳葉之義也駕還詣景慕宮展拜明日 莊獻世子誕辰也 聖慕深切哀疚過度仍留齋殿將待曉行禮因 慈教還宮○二月教曰關東經工生所對十三經講義潛心諦看不覺筵燭屢跋信乎若非明於經義何能剖析如是前參奉安錫任前主簿朴師轍并陞授敦寧都正各差嶺東西分教官俾訓蒙士進士崔昌迪童蒙教官擬

入其所對經義命彙輯刊進名曰關東賓興錄後又有嶠南賓興錄豐沛賓興錄關西賓興錄○設應製入格儒生食堂於帳殿特下內帑米三十包錢一百緡於成均館俾補養士之需○三月遣承旨致祭于故相柳成龍祠版先是閣臣李晚秀奉使嶺南賫來文純公李滉簡牘及文元公李彥迪大學續或問至是御製弁其卷命承旨藏于兩書院○命置黃海水營虞候以閩帥行營留住時褊裨居守甚踈虞也○太廟夏享誓戒將親行適

值明陵忌辰教曰雖無磬鍾之鏗鐸盛服臨殿於陵享將事之際揆以情文合有裁量今夜誓戒正時進定於齋所呼唱起寢之前自今凡大祀誓戒之夜如值陵寢忌辰正時進定用今儀○夏四月濟州御史之行賫送論策詩賦銘頌各題試士命各題居首人及年八十一入格人并賜第時濟州告饑給米穀一萬斛賑之又除留本道常賦公貨準穀五千包代內下賑需凡係獻御之物并蠲減○五月命民事之可以趁時稟處者雖值齋日

國朝實錄卷之二十一
九
廟堂草記回啓著為式○復故藝文提學柳
夢寅官尋加贈吏判教曰柳夢寅栢舟之唱
南麓之詠誠千古絕調在昏朝守正屏跡逮
夫改玉矢心不渝竒自獻同時被誣而旋獲
復官獨以夢寅之操行竟歸勿論非所以處
吉再金時習諸人之 聖意也○秋七月亢
旱減膳撤樂求言大臣陳時務五條一曰扶
植名義二曰振勵紀綱三曰獎廉懲貪四曰
理獄清刑五曰慎惜名器 上嘉納○八月
命錄用贈判書金功忠定公權機後孫教曰

近見金功朝京時欽賜大學衍義 先朝宣
賜鄉本衍義及御製御詩此豈一人一家之
私寶哉權機當 中廟盛際設宴於慶會樓
也隨身之近思錄遺於席底 聖祖命還于
機至今傳為美談 先朝賜鄉本一件書其
事以識之予今取見自覺起感○九月飭各
道向管堂上另察該道民事以備顧問○上
以是年大慶既稱賀于 殿宮賜京外老人
爵有差凡七萬五千一百四十五人乃召耆
臣六卿以上指授義例彙為一書名曰人瑞

錄者臣洪樂性蔡濟恭具允明李敏輔洪檉
洪良浩金持默趙瑗邊得讓洪秀輔金尚集
申思運鄭存中韓光縈柳懃等進箋各率其
子姪孫曾入就位禮既成 上引見者臣于
前時 元子侍焉樂性等曰臣等俱以耆社
之臣手擎人瑞之錄進于文陛之前總絜此
七萬餘人之壽五十有餘億獻我 聖上及
我 元子宮以是為華胥之紀年 上曰黃
髮兒齒紛顯一堂揔計子孫曾玄之從入者
優過百餘人足為太平盛事濟恭曰登筵者

臣皆年享頤期位過卿月回登回榜又比比
有之可謂往牒所未聞之瑞未知詩人所稱
文王壽考之化果可擬倫於今日否 上宣
饌于諸者臣曰此 慈宮所賜卿等各醉飽
其餘逮子若孫也諸者臣起而謝曰既醉以
酒既飽以德臣嘗讀其詩而欽艷於千載之
下不圖今日身親當之 上命者臣孫曾中
未冠者進見於 元子元子以糖果囊帶之
屬賜之諸者臣以次進拜於 元子元子答
拜樂性等三呼千歲於是殿上下皆三呼千

歲 上謂是舉之不可無識也御製詩一韻
曰南極雙輝寶婺昌錫敷人瑞頌重光與筵
者皆賡聯之哀成一帖仍賜諸者臣各法樂
一部導至家○命光海朝日記依燕山日記
例修正刊印藏之史庫從禮曹判書閔鍾顯
言也○教曰聞諸路道臣以明年之異於他
年不敢議到凋賑云千載一值之慶會凡所
以與吾民同其樂者顧何如也天保九如之
頌祝其君必曰羣黎百姓徧為爾德鄰聖之
責難於君亦必曰孰如與衆樂樂今之人引

君當道何一切相反也○冬十月以檢校直
閣徐榮輔為康津海南長興靈巖等邑慰諭
使四邑有耽羅移粟之役也命監視領運慰
諭諸邑民人教曰是日十三即耽羅泛舟之
日也齋誠默禱惟在利涉此穀雖出於官其
實則沿民口吻中物耳奪此與彼予作何心
想像其人負馬馱輸致船所為充他腹及勞
吾身之狀自不覺蹶然而起也仍命四邑米
布錢出於身而納於京外者尤甚戶全蕩其
次蕩其半凡屬享上者限明秋并行減免與

陽珍島亦用右例諸臣侍筵至夜五鼓有仰請就寢者上曰滄海舟楫之勞如在目中自然不能交睫○琉球國漂人至京教曰琉球國人昔有供職於我國者特授提管以實鈔差備近侍此不過二百年前事其在懷柔之意別示顧恤於義為可承旨往畿營與道臣慰問饋以酒食優給庇身之物○命備局堂上趙鎮寬編成惠政年表紀荒政也○十一月命停華城城役教曰三南畿甸方秋顛連西北邊郡亦奏艱食殿宮獻御猶且停

免城役雖重此停而彼不停乎溝壑之憂方急於八路呼邪之聲不撤於一府惟彼矜矜然保抱瓊尾之民其不曰吾君何不以築城之心施之保民築城之財移之活民云乎又其不曰九重光明之燭不照於鷄衣鵠形而遍照乎粉樓雉堞云乎予亦曷敢不仰體昔年愛恤元元勿踐輦路禾麥之德意乎議者以為歉年興作實兼調恤朱夫子南康故事范仲淹浙西已迹可按而復也此特一郡一鎮之政耳今予以一國之君臨一國之民既

不能使彼千萬顛頷之類極至全集受傭仰食於一城之役則所至而所活者當為幾箇人口為今之道莫如聚會精神於荒政一事○以李益運為嶺南慰諭使洪大協為湖西慰諭使下蠲恤綸音○親行宣禧宮冬至祭以明年即本宮恰滿百歲之年也○教曰每歲大政筮仕用太學薦一人法意甚美年來未聞以太學生做一官者豈特銓曹之責抑亦賢關之恥自今每歲臘月生進應製御考畫長者泮長報內閣越薦銓曹○十二月

命冬至正朝陳賀節目依五禮儀改稱朝賀從禮曹判書閔鍾顯言也○命劃給關北穀五千斛嶺南穀十三萬斛湖西穀三萬五千斛湖南穀九萬斛關西穀五千五百斛京畿穀一萬五千斛各補本道賑資○上謂整理諸臣曰明春節慶志喜之舉在予為千載一時之盛會也以予歡欣慶祝之心無有限極而慈宮深存謙抑每以節省為教卿等亦存張大之戒於予亦為養志之一端○以新印三經四書命藏于宙合樓謂閣臣曰謹守

之昔 寧陵以心經殉丙申山陵殉小學予將繼述也○御定朱書百選成頒賜諸臣教曰今之士未聞有讀朱子書者予將以此編為丕變一世之權輿百選者今人之患在於博而寡要擇而不精故欲令其先從約處下手亦升高自卑行遠自邇之意也

乙卯十九年春正月大臣卿宰年六十以上人特賜歲饌遣郎官存問以 慈宮周甲之慶年也○慈殿慈宮將詣闕宮詢儀節於諸臣內閣啓言就諸議參互則禮判閔鍾顯所議

慈殿行禮當用 先朝臨廟之禮者最有依據若我 慈宮行禮謹按圖書集成大政記云嘉靖五年 帝奉太后謁興獻廟引唐開元皇后廟見之儀章聖之於興獻廟即用謁太廟之禮不以齊體而略其儀又按萬曆八年 帝奉兩宮皇太后率后妃謁永陵行四拜禮次詣昭陵行禮如永陵孝定孝安之於昭陵亦用謁諸陵之禮不以齊體而降其禮慈宮行禮當一遵明史廟見之禮至於拜數多寡若依廟見儀則當行再拜若依謁陵儀

則當行四拜 上曰 慈殿臨廟之節別無參差之論 慈宮拜禮處所用廟見舊儀設位於堦上拜禮亦從時用之制庶合遵先之道○加上 王大妃尊號曰綏敬追上 莊獻世子尊號曰章倫隆範基命彰休用玉冊金印加上 惠慶宮尊號曰徽穆上號時命除瞽師女伶體 慈意也御明政殿進 慈宮周甲稱慶致詞箋文表裏受羣臣賀頒赦命文侍從武閫帥蔭準職以上六十一歲人晉秩○上奉 慈殿慈宮詣景慕宮 坤殿

同詣行酌獻禮 莊獻世子周甲誕辰也 上每由月觀門月一行展拜是年孺慕益切五享及俗節朔望祭皆躬行或留齋殿至數日一歲中展省凡五十餘次○閏二月 上將陪 慈駕幸園太僕寺造 慈宮駕轎命進于便殿前庭輿蓋簾帳一一親覽既又躬御轎內以試間架廣狹制樣便否○上陪 慈宮詣顯隆園次華城行宮進饌于 慈宮行七爵禮命大臣卿宰宗戚內外命婦入參教曰奉觴長樂之堂置酒洛南之軒敬斟北

斗拜獻南山翌又徠爾羣老于堦于庭下既進華封之祝上豈惜箕疇之錫乎老人領議政洪樂性以下年七十以上及六十一歲人各賜帛一疋仍予黃紬以佐鳩杖之繫本府與宴者各加一資漢高之於豐沛光武之於南陽猶以湯沐邑特賜之復前此已給復外園底居民特加二年城內外居民加一年翌日 上御新豐樓頒米于四民分遣承宣于稍遠坊曲發廩饋賑民以整理餘錢一萬緡送耽羅補賑資又以一萬緡設屯華城又以

二萬緡分送諸道作穀糶糶名曰整理穀後戊午並移峙華城府斂散而永除其耗教曰俾華城之民咸知 慈息慈德於千萬年悠久無疆也○御洛南軒行養老宴○教曰每於省園之路還到彌勒峴停轡遠瞻自不覺下騎彷徨今行見峴上環席地而臺者命曰遲遲此後幸行路程添入遲遲臺○因箕伯金思穆狀啓禮曹啓請於定州遼川 太祖旋凱 宣祖駐蹕之地立碑紀蹟 上從之曰湖南之八良峙海西之躍馬池關西之梨

國朝實錄卷之二十一
花亭北關之讀書堂馳馬臺或建碑或設閣以寓追遠之思者 列朝已行之蹟也今於遼川勝捷駐蹕之所豈可獨曠紀蹟之舉○追躋 桓祖大王懿惠王后于永興本宮以是年為 桓祖誕降之八回甲遣大臣行酌獻禮于定陵會咸興儒生疏陳永興本宮有典祀廳故蹟宜舉躋享之禮 上感悟拜真殿召大臣諸臣議僉曰允合情禮乃遣大臣禮官遵古禮造位版于本宮卜日躋享自國初咸興永興有兩本宮奉 先王先后位版

倣原廟之制也舊令內需司別差典祀享其祭器儀品多不如式者 上遣閣臣徐榮輔審問以來特命釐正編成儀式印藏本宮歲封衣幣香燭必宿齋賚傳使閣臣畿伯陪詣至東門外遞傳於地方官永為式賜咸興永興一年租稅試兩邑儒武賜第朝官年七十以上士庶年八十以上人加資三道泐路邑舊糴蕩減○三月先是命雲觀哀輯日家諸書刪繁正訛分為十門以便攷據凡二十有二編賜名曰協吉通義至是印行○夏四月

申禁寧邊定平採金之弊教曰人皆以為藏
寶不用非富國之計予則以為不然所謂設
店即一奸竇也○召見備局堂上趙鎮寬
上曰先卿曾為漕倉事目卿必熟於聞見矣
古者兵寓於農無事則為農有事則為兵今
則漕船戰船分而二之豈非無義乎予嘗有
意於變通釐正而未能矣荒政文字卿方編
輯至於水政尤無可徵卿須博考文蹟裒輯
成書則將為國家大文獻矣○溫陽行宮有
三槐樹 莊獻世子庚辰駕臨時手種者也

上聞之曰今三十六年之間根盤榦蕃有陰
滿庭營邑臣築臺以護之云且愴且感難以
為心仍親製靈槐臺碑記實豎臺傍○六月
工曹參判李夔祚陳時務十二條一敦誠二
質經三鑑史四養賢才五整官方六定鄉制
七制民產八詰軍政九濟民用十敦風化十
一合時措十二一制度引歷代先儒之言參
以損益之宜彙成冊子名曰輯說上疏進之
賜優批特擢知中樞○惠慶宮誕辰自內親
上致詞箋文表裏又進饌于延禧堂親製老

萊衣五章萬年五章為先後唱樂章每進爵
行禮時 元子進詣簾內進爵隨詣拜位行
禮朝官六十一歲人宣醞殿庭○教曰逢此
慶年必欲無一夫之不獲外邑猶施賑貲况
輦轂之下乎仍命揔戎廳還穀抄戶分給并
除耗五部受糴者五千八百餘戶御弘化門
賜四民米凡五百餘戶○在直閣臣閱樓上
書少眠吏呼曰中使且至驚起出迎中使擎
小盤貯園桃數十枚覆以紅帕傳 上教曰
園中小桃適告熟聞仙桃能使人永年今此

賜別有期待之意盤則留作閣中古器閣臣
拜而嘗之至感激泣下○秋七月陪 慈宮
行酌獻禮于宣禧宮 坤殿同詣○修撰崔
獻重疏斥邪學賜優批特擢大司諫○八月
王堂嚴者以親年周甲疏乞補郡為養 上
許之命經幄之臣如者情理者并隨窠差送
以示朝家惠養之意○命設壇於濟州三邑
酌前冬餓殍○罷守禦京廳以守禦使出鎮
南漢為廣州留守○九月命大臣臺諫與聞
於一律獄事著為式○命內閣印頒忠武公

李舜臣全書仍賜印書之費○命廣州府百濟始祖廟稱崇烈殿○冬十月遣官賜祭于文簡公朴祥仍施不祧之典教曰朝家於朴文簡實有別般曠感者不但其危忠高操嘗所歎服言議志槩之見於文字事為之際者有非匹夫一時慷慨之思○有雷異教曰即見雲臺之報云以辰時微雷而莫之聞焉苟使予一心對越聽於無聲監生之聞者予豈不聞矧當收藏之節有此隱微之響思傳戒懼之工尤屬目下猛省之第一義闕遺之隱

而現微而著於政令施措之外者咨爾喉舌論思言責之臣極言毋諱啓我昧昧之思○十一月飭昭顯墓局內植木令畿伯助財董役○僉知梁周翊疏陳時務十二條賜優批特除兵曹參議召見之○十二月江界民金莫孫妻李有二女長年十八次十五其母見行人涉冰往救而溺長女赴援次女又跳入左扶母右執兄握手鼎坐而死道臣以聞教曰金女三母女無媿古之曹娥特使地方官就其閭而旌之曰孝女之門

丙辰二十年春正月教曰今年四日得辛其占大有將以得辛之日躬詣社壇祈穀誓戒齊明竊冀心香之上格惟爾按藩守土之臣各以予心為心悉乃心力於田功俾有豐年多黍多稌之喜又飭諭諸道臣四都留守曰纔命詞臣撰置祝豐之詞令政院書送依年前江界例書付布政司門楣○特下內帑錢一萬五千緡換穀送耽羅補賑教曰昨冬以一夫填壑當停一日之膳飭諭諸道伯伊後自掌饌尚衣之需至于日供常度各加撙節別

貯一庫正欲示信於民也又別下補縮條以除沿海民力教曰此為民父母十指皆愛之意也○遣承旨致祭于文正公趙光祖祠版祀孫基仁除莊陵參奉仍令華城守臣買第一區俾奉香火○二月教曰故醫官朴泰均之效勞其可忘乎近以溫泉陪從人收錄事問之泰均家只有老妻及穉孫云令該曹題給食物衣資其孫月給米待年長直付內局○頒下內帑綿布五百疋錢四千緡胡椒一百斗丹木三百斤于濟州補賑資○三月

工奉事魏伯珪疏陳六條曰立 聖志曰簡
輔弼曰勵廉恥曰正士習曰律貪賊曰由舊
章 上答曰既徵稿而得其所存矣又賜對
而叩其所抱矣聞有十年研究著為萬言封
事者又命大農而給筆札矣今見其章誠富
且贍矣爾年七十欲遲待計仕有甚於馮老
之郎潛畀以一邑得施所蘊尋除玉果縣監
○靖陵直長慎師浚疏陳時務十條曰定田
制曰節財用曰均良役曰擇守令曰敦教化
曰革科弊曰修學校曰崇正道曰慎選仕曰

納諫諍 上答曰言路不開官箴莫聞寧有
若近日乎此必予有訑訑之色然若使朝著
之間有一介忠志之士不我遐棄昌言讜論
予欲虛襟而受之今予優批於爾者亦出於
先從隗始之意也○上謂右議政尹著東曰
近因訓鍊院修改事思之若建武成廟武學
可大備也著東曰 聖教誠不勝欽仰 上
曰朱子嘗謂諸葛孔明庶幾禮樂蓋孔明實
合從享於文廟著東曰澹泊明志寧靜致遠
八字大有功於後學故皇朝嘉靖年間亦嘗

從享於文廟矣○我東活字印書之法始自國初 太宗朝以經筵古註詩書左傳為本命李穰等鑄十萬字是為癸未字 世宗朝命李穡等改鑄是為庚子字甲寅以庚子字織密出經筵所藏孝順事實為善陰騰等書為本命金墩等鑄二十餘萬字是為甲寅字行之三百年 上在東宮仰請 大朝以內下甲寅字所印心經萬病回春二書為本鑄五萬字是為壬辰字元年丁酉命關西伯以甲寅字為本鑄十五萬字又於壬寅命關西

伯以本朝人韓構書為本鑄八萬餘字壬子命倣中國四庫書聚珍板式取字典字木刻大小三十二萬餘字名曰生生字又命以生生字為本範鑄之至是工告訖大字十六萬小字十四萬餘名之曰整理字分儲七櫥藏于奎瀛新府命監印所改稱鑄字所仍國初建置時舊號也○白虹貫日教曰否德忝位二十年来無灾不召無沴不致而虹貫之異即所初有凡係側身責躬之方其敢循常應文為乎哉延訪諸臣欲問求助之策各以謹

國朝實錄卷之二十四
言書思對命莫負古人備忽之義諭諸道道
臣及四都留守詢時政民隱于草野之士以
聞○夏五月選清白吏故副提學李秉泰判
書尹容判敦寧鄭亨復左尹韓德弼兵使許
鼎也○令武庫印煇硝方廣布中外○命金
川二南面長湍松西面及白峙鎮移屬松都
○行賓對纔罷命入公事時值暑月 聖候
平復屬耳大臣請姑置不急之務以便靜攝
上曰常參既停賓對久廢並與此而不行恐
以予為逸豫矣○六月召見開城留守趙鎮

寬 上曰麗朝陵寢曾在 顯廟朝增其牲
幣以王氏子孫守護矣今為幾何鎮寬曰其
麗甚衆而皆中葉以上子孫也 上曰經曰
虞賓在位羣后德讓曰在彼無惡在此無斃
今之松人與此奚異名在朝籍者殆無其人
此豈朝家一視之意哉無論文武卿須搜訪
人才以為收用之地○教曰麗太祖有統一
三韓之功昨聞居留所奏陵前祭閣幾乎不
蔽風雨分付守臣葺治遣官致祭春秋祀享
下送香祝定為式○親上表裏于 慈宮仍

行進饌○右議政尹著東有老母教曰大臣入者社在近而近百歲大夫人康健故相洪暹以後初聞者又聞貞敬夫人第三子回甲在此月當此祝慶之辰豈無錫類之典大臣老親其賜米帛其子回甲者甄復其職○秋七月命太廟享禮後待天明更為奉審修掃著為式○命贈故萬戶鄭運兵曹判書賜謚錄孤運於壬辰之役殉於沒雲臺且有勸起李舜臣之功也○八月命贈參判梁大樸加贈判中樞兼兵曹判書賜謚其子太常正慶

遇加贈一階旌其閭曰父子忠義之門大樸以義兵將殉壬辰難慶遇立節昏朝也又命致祭于大樸及忠烈公高敬命○御定奎章全韻成教曰我東韻書之彙以三韻別置入聲有非韻本四聲之義不押增韻與入聲亦不曉通韻叶音之格鹵莽莫甚所以博據廣證命編是書者也此後公私押韻準此義例○以直閣李始源差義州府慰諭御史馳往三江安集被災民戶設壇江上祭滄死人慰問其妻孥優施蠲恤之典○九月文純公李

混祀孫奉祠版赴任命入城日諸生迎于江頭禮官押班遣承旨致祭○右議政尹蕃東啓言故領議政金堉歷事仁孝兩朝蔚然為名臣大同詳定之法民到于今受賜特施不祧實合於褒功獎忠之道從之○命文靖公金麟厚從享文廟上嘗教曰首闡性理洞見大原惟金文靖一人其詩曰天地中間有二人仲尼元氣紫陽真即此可見學識之超出羣儒至是因館學儒生䟽請有是命又以謚歎於行改賜曰文正○上念文莊公鄭

經世學識事業文貞公曹植造奧卓爾親撰文遣官致祭○冬十月召見大臣閣臣于摛文院上教元子拜諸大臣諸大臣起拜上教元子曰諸大臣皆登筵能歷舉其世派乎元子對甚悉諸大臣曰聰睿天成迥異常倫實是吾東方萬億年無疆之休上曰不特此也宋之六君子我朝文廟從享及相臣錄皆能知之領相蔡濟恭等請于元子曰可得一一詳教乎元子歷舉別號與姓名不失其次上曰從享一人見漏何也

元子應聲曰河西金麟厚也尹著東曰睿
學如是卓越尚未出就外傳羣情抑菀上
曰欲俟明春上教元子讀書元子跪讀
大學經一章聲音和朗句讀明晰上曰嘗
授小學能熟誦大學是不教而自誦者也日
前予讀詩傳甫田章在傍一聽即地成誦矣
○上聞諸曹諸司有罪人拘留之所即令毀
撤教曰此無於法之事真聖訓所謂刑罰不
中民無所措手足者也○司饗院設分司于
廣州燔造瓷器其巧者瑩潔如脂玉謂之甲

燔上以其糜財命設條科禁斷既而召接
閣臣適進御膳器皆苦窳上指示曰徒法
不能自行言教不如身教予所以為此蓋亦
無諸已而後非諸人之義○十二月命內閣
重刊紫陽小學校正其義例又以訓義附篇
之載於小註非所以尊閣也命釐正之教曰
昔在先朝惓惓於小學之教予於九歲以
前五講是書每次程式不下百遍今於三十
六年之後點檢句讀恰如初學至於申論中
外講而習之方當在校印以後○命右議

政尹著東揔裁武經七書編校之事知訓鍊院事李敬懋董其役○死囚有男妹爭死者教曰常賤能識此箇倫義此教化下孚之機也其於刑法何有哉命酌配○春秋三傳並列于經而左氏最詳於國史獨經傳不相統屬學者病之 上命詞臣依朱子綱目例以經為綱以傳為目印行之

國朝實鑑卷之七十四

國朝實鑑卷之七十五

正宗朝七

丁巳二十一年春正月下綸音曰予聞之夫子觀於鄉而知王道之易易觀政在朝觀俗在野政之所及者淺俗之所及者深故善乎觀人之國者必先其野而後其朝肆予膺天之嘏恭逢 慈宮周甲期與八方臣庶共其樂尊年錫類之典無所不用其極而觀於朝政無可紀觀於野俗不維新惟予一人否德不敢比先王觀也每中夜以思忘寢屢興憫近

國朝全書卷之二十三
俗之難矯慨初心之多負予之所自期豈欲
如斯而止乎哉人心安則逸逸則玩玩則縱
而浪遂至沈酣豢養於積累昇平之樂幼違
蒙養之正長乏師受之益指拘檢為迂詭視
靡誕為活計自少至老若不知天叙天秩之
有典有則三杯揖讓固尚矣風流之篤厚亦
難乎一變而至夫愛親者不敢惡於人敬親
者不敢慢於人以其廣敬而因本也故虞夏
商周之相承富德親爵之有殊而齒則不遺
者蓋年之為貴次於事親也凡今之人不畏

遺年也故其弊也為五品之不遜經曰先王
有至德要道以順天下故忠可移於君順可
移於長治可移於官傳曰人人親其親長其
長而天下平廣敬因本之責予方及求之不
暇物候窮則天根露習氣盡而真情見意者
時雍日新之機迨其今乎小學一書即學校
始教之次第節目也以予寡昧尚賴先大
王導迪之恩記在童習之年粗收日講之力
世之子弟雖不及遍通六經或庶幾勉勉持
循於做人樣子而邇來學日益淪教日益弛

國朝實錄卷之二十五
二
此書隨而東閣予為是懼爰命內閣之臣就
訓義而攷證之且三綱二倫行實等篇為輔
治勵世之具與小學書不可偏廢釐為一編
命之曰五倫行實予又思之一日禮行風動
四方惟鄉飲酒近之是禮也休老而勞農導
歡而序齒明貴賤而辨隆卑正身安國之要
率是以興也粵我世宗盛際創行養老宴
三綱行實之頒行亦在其時民到于今舉切
親賢樂利之思而不能護予小子其敢不修
述焉然鄉約之於化民成俗亦易為力朱夫

子蓋嘗月朝讀約三代之制如復可見予故
曰因今之民變古之俗彼之以仁義示之以
本實鄉約之效不差於鄉飲酒此規亦不可
不講而明之機務之暇彙成鄉飲儀式鄉約
條例欲其委曲周摯文質俱備偕我同胞之
民油然而起感肅然知序苟使是舉不歸於徒
法徒言何頑之敢梗何愚之不明乎咨爾有
衆毋侮古訓毋迺予言俛焉孳孳惟茲飲茲
約是講是遵其君子若生三古而秉周禮其
小人若捧乘矢而遊矍圃一切知菽粟可去

而親親長長之不可斯須去以為人乎何暇
他求即此而民志壹世教靖予與爾有衆共
享無疆之祚以對越天地之耿光以丕承
祖宗之謨烈尚克時忱其永有賴觀乎朝野
彬彬改觀受豐福而享勲力其在斯乎其在
斯乎故曰老老而民興孝又曰老吾老以及
人之老值三元之嘉會祝萬壽於慈宮仰
瞻韶顏喜騰難老推而廣之休寧羣老羣老
之休且寧顧不係於豐年之多黍多稌乎故
勞農為休老之本四日得幸則熟十日得幸

則稔熟既驗於昨歲稔可占於今年天以錫
我康功我亦勤茲田功後志之應庶可質諸
歲歲年年如昨如今以至萬斯年無斁農夫
之慶人子之慶也人子之慶朝廷之慶也仍
命下諭于方伯居留之臣俾各遵行仍令國
子長示于諸生京兆尹頒之坊曲待印書諸
本獻御亦為宣賜京外○禮曹啓言鄉飲之
禮國朝五禮儀所載儀註參互古今典章允
為昭代成法固無待乎別為撰定鄉約之法
昉於宋儒呂大勻而朱子取其文增損之誠

萬世通行之良法也 中廟宣廟所頒鄉約之為此本可推而知鄉飲之日別定有文辭者讀約文一遍京城之不可行 中廟聖訓昭揭實鑑先正臣宋時烈亦有輦轂之下鄉約不着題之言冠婚二禮鄉曲鮮有備禮者謹遵筵教附載司馬氏書儀朱子家禮國朝五禮儀于編下俾得以講而明之 上從之彙成一書刊印廣布名曰鄉禮合編○賜領議政洪樂性几杖仍命錫宴以恰滿八耄也○命馬祖祭自今年以仲春中氣後剛日擇

吉祝文用五禮儀所載○命典牲署主簿陞作判官以省牲親行時掌牲之官也○二月咸興儒生獻白雉却之○三月親審景慕宮享儀圖屏分藏齋殿齋室典祀廳宮司直所仍命太廟社稷享儀亦圖寫作屏為常目遵行之道○夏四月行晝講召見元子師傅宋煥箕講中庸 上謂煥箕曰卿家兩先正俱膺 聖祖勸講之任卿又以此職上來在卿亦榮幸卿尚著九品官章服乎曾聞先正章服家無新製內賜繼下至今傳為羨談便成

卿家古例金圈章服品帶當內下章服 慈
宮所賜也○元子行師傅諭善相見禮仍開
講 上召見師傅諭善教曰雖未見其拜揖
之儀初聞講讀之聲予心嘉悅卿等其善輔
導○文正公宋時烈祀孫奉祠版赴任命過
京日泮堂率儒生迎之江頭遣承旨致祭○
六月教日記昔 先朝惟農是重耕耘之節
夙駕親省每在於城南之野民莫不欣瞻羽
旄樂趨田功臺其地而名曰省耕在予追述
之方豈無表識之圖令該曹往審其址仍加

修築○閏月禮曹判書閔鍾顯上疏請舉靈
星壽星之祀答曰詩之絲衣朱子釋其大旨
曰此亦祭而飲酒之詩祭即祭靈星為農祥
而祀之也爾雅曰壽星角亢也即老人星也
或於秋分日享之或於千秋節日享之我朝
之并祭二星者諸侯得祭邦內分野星辰而
漢孛山在我邦常見老人星也至於祭靈星
天下通行之制也祀令儀節皆載於五禮儀
令內閣弘文館博攷以聞奎章閣啓言何楷
世本古義云靈星之祀專為祈田歷代通行

壽星則秋分之見實在箕尾之南南壇之制
允符月令之文弘文館啓言祭法曰王宮祭
日也夜明祭月也幽宗祭星也雩宗祭水旱
也我朝既行雩祀幽宗無甚懸異上曰我
朝家法尤致敬慎於此享事令禮部問於
大臣儒臣文任以奏大臣洪樂性等議修明
舊典為宜事竟未行○上以平陰侯有若之
祀于廡嘗起疑教曰論語記有子之言者三
皆與魯子特稱為子孟子不曰有若似孔子
而曰似聖人則其言行氣象雖不敢比倫於

夫子其不遠於聖域則較著也近閱中朝會
典陞配有子朱子於大成殿為十二哲有子
在卜子之次朱子在顓孫子之次今以中朝
之所未遑者遍舉五賢中朝之所已行者反
遺有子抑獨何說有子當陞配聖殿也既茲
諸絲綸而竟未之行○秋八月幸章陵親祭
召見金浦郡父老於路左詢疾苦詣顯隆園
親祭又詣愍懷墓行奠酌禮遣承旨致祭于
故相臣姜碩期墓金浦復一年輦路所經十
邑蠲惠有差禾穀踐踏者折給其直○上聞

參贊丘從直墓於輦路不遠遣官致祭教曰
人臣遭逢從古何限邂逅遇巷未有盛於此
人立賢無方之 聖德尚今莊誦○冬十一
月詣景慕宮行冬享命承旨率典樂金應三
等以入使承旨問曰鍾磬之諧聲有欠踈緩
何也應三曰每趨行禮節次故禮遲則樂遲
禮速則易闕 上曰此後便從徐緩而其中
亦不無遲速之別迎神不可緩送神不可速
初獻及亞終獻行禮時亦有遲速初獻則以
九章奏之而遲速務得中亞終獻則以九章

分半奏之徹籩豆則其在廢徹不遲之義有
不可稽緩尋命徹籩豆送神樂章合奏又命
奠幣進饌樂章合奏俾樂律舒緩○十二月
教曰遠人之不露祿仕便成百餘年來痼弊
邑舉道剡未能盡搜羅之方此豈非有司之
罪而朝廷之責乎嶺南故儒臣曹偉曹植鄭
逮張顯光湖西故儒臣俞榮尹煌金慶餘金
弘郁湖南故儒臣朴祥奇大升故忠臣高敬
命金千鎰子孫道臣搜訪以聞故家世族苟
有可以舉聞者一體薦似則當替作殿上之

柱帖矣○召見鰲息君李敬一王城府院君
張晚八代孫顯孫錦南君鄭忠信七代孫漢
詰上謂敬一曰卿以鰲城之孫率錦南之
裔入侍事非偶然謂漢詰曰張王城之殊忠
偉績予所曠感而亞於王城者爾祖也鞍峴
之戰非錦南何以轉危為安乎其子孫零替
若是是豈聖祖酬忠報功之盛意乎從當
畀一麾俾得官享於祠版矣○命劃給湖南
賑穀四萬斛

戊午二十二年春正月備局以貢市詢瘼稟處

教曰駐輦通衢詢問疾苦及其決處別無蘇
抹之可言近於不誠雖於一塵一貢須有措
處然後事面得當更為指一稟處○上將親
行祈穀祭時大雨雪領中樞府事洪樂性陳
劄乞寢答曰知時好雨穀朝瑞雪為三農萬
民心竊為喜將事之夕開霽昭朗更求方寸
之心香豈或命攝耶遂詣壇親行○二月詣
顯隆園親祭回鑾至清川坪下馬於築臺處
招入近臺民人教曰乙卯年慈駕少駐處
爾等築而為臺民情大可見予庸嘉之仍命

分饋果酒○賜高麗忠臣金澍謚親撰文遣承宣祭之又致祭于吉再吳山祠又教曰澍之兄濟以平海知郡題詩壁間浮海而去變其名曰齊海蓋欲思齊於魯連之蹈海其議謚仍命設祭於海上○三月命䟽鑿健元陵洞口外舊池此後承旨及道伯奉審時以所見啓聞○上謂戶曹判書金華鎮曰舊錢體大而敦厚近漸薄小何也古史如鵝眼縱環等錢甚至於輕浮水上考其時皆非治世此等制作亦關時象豈可不思經久之道乎○

命文武科新榜中年七十以上人陞殿 上曰此莫非 先朝壽考之化命文鳳翼等六人并授僉知職司馬榜中年七十以上人還鄉時賑廳給糧資沿路給馬○夏四月右諭善李直輔承召至 上引見左右諭善及僚屬謂直輔曰雖講學之外隨事陳勉謂僚屬申大羽曰諭善之職初設於 顯廟朝而本無定品予在春邱時朴聖源以堂下為之故相徐志修以正卿為之僚屬之設亦倣此意今擇僚先蔭而後文蓋崇儒意也○行晝講

講中庸 上謂李直輔曰人所以不能為堯舜由於一念毫忽之差天道於穆不已文王純亦不已所以誠也假使一年之間三百五十九日一日之間十一時此心常存只有一刻一分之少有間斷即此之頃聖人之道便已息矣譬如盛水滿器置於繅車之上繅車輪轉無一息之停然後器中之水無少滲漏若有霎時留住則覆水於地已不容復收矣燕窩之暇時自點檢或歲一至焉或月一至焉不啻如潮信之進退功烈之如彼其卑規

模之如彼其窄亶由於是矯揉之方其果安在直輔曰人君即一天也一毫與天不相合則便是工夫未到處希天之道亶在於純亦不已○引見大臣備堂教曰設置備局雖有法意朝廷之不尊堂陛之不嚴專由於政府之權輕故相崔鳴吉疏中已有請罷備局之論如署事之法今雖猝不可行若稍復政府故事使之專管六曹甚是美制○教筵臣曰古則曰徹曰貢不過為什一九一之法我朝田賦之制猶不及於什一而近則各樣橫斂

百弊俱生結役之弊殆什之五六至於簽丁
 壬辰以前所無之新設軍丁不知為幾十萬
 如是而冗費安得不日增乎此今日痼弊也
 ○上語筵臣曰予平生工夫在一部朱書片
 言隻字之出於夫子者欲編為一部書待編
 成藏板本於宙合樓近處奉安朱子真像以
 為瞻拜之所予於夫子實有師事之誠也○
 御定四部手圈成 上於萬幾之暇常親簡
 編就三禮史記漢書宋五子集唐宋八家文
 陸贄文手加批圈彙成一帙○慶州集慶殿

舊基御書豎碑建閣以庇之 太祖影殿舊
 奉之地也○教曰蟲損嘉禾宰樹安得不捕
 而除之周官庶氏剪氏之職皆為是而設耳
 堀坑焚瘞始於唐姚崇歷代因之近者園寢
 桑梓有蟲損之害使捕除之於予心猶有不
 安者是蟲也亦蠢動之生物也宜令曰生之
 德並行於其間驅而放菹勝於烈而焚之嘗
 聞蟲飛入海為魚鰕伏波之治武陵明驗尚
 傳此後拾投鷗浦海口驪州陵樹又有蟲患
 捕投江水一依華城例○五月御定五經百

國朝年錄卷之二十三
篇成 上取易書詩春秋禮記九十九篇置
庸學於禮記中以朱子章句序附其下做孟
子卷末附明道墓表之義印行之初新印三
經四書春秋左氏經解藏于大學之尊經閣
及是書成命與同藏親綴文遣泮長告由於
聖廟做朱夫子知漳州時故事也○教曰近
來守令薦法蕩然凡係坐贓之類一依法典
守令不治徑違差送之銓堂宜用誤薦之律
御覽官案該倅名籤傍書該堂姓名○時久
早 上曰凡事懋實為貴修省之策當先從

實事行之命秋曹堂郎並直本曹審錄京外
死囚絡續陳聞隨覽判批者凡百餘度得活
者甚衆 上自初元於刑獄兢兢致慎哀矜
惻怛發於至誠惟恐有一夫之冤枉每諸道
上囚案無一不親閱每於齋居時反覆審念
潛心諦求或判下屢十案自朝至晷繼以筵
燭屢跋而未嘗有倦色嘗曰予於獄案干連
姓名亦不忘遺非予有記性也誠之所到也
又曰刑者所以輔治人命雖重事在倫紀教
化邊不當徒拘於法也前後死獄之參情特

宥者為多御製集中有審理錄二十六冊○
 上教筵臣曰漢家四百年基業在於風流篤
 厚禁網踈濶予欲使今之世朝無罹辟之人
 世無見枳之家豈非導迎和氣祈天永命之
 本乎○前戶曹判書金華鎮上疏請鑄以一
 當五以一當十之錢以裕財用 上賜批歷
 詢便否於籌司諸臣議不一戶曹判書趙鎮
 寬曰臣聞裕國之方莫如節用而務本錢者
 本以通貨非取利也如取利固莫專於重錢
 然弊亦如之如吳千蜀百閩十元五之類權

宜濟事旋皆廢輟且况物產有限錢貨日增
 則百用翔貴民受其病且矧出奇貨非所以
 示民以朴之意也議遂寢○忠清監司韓用
 和以各邑祈雨啓教曰全一道祈雨亦罕有
 之事意者道內或有抱冤莫伸覆盆莫照竭
 誠採察期使干和之事轉為導和○旱遣近
 侍禱雨教曰享所進排各司官未必一一齋
 宿自外進排仍以為式○右議政李秉模奏
 曰 元子宮方講古鏡重磨方 睿學日就
 臣誠欣忭 上曰此是先正李文純所編也

列聖以來無不表章尊閣 先朝亦用之經
筵用之泮儒之月三講今值日熟欲從簡約
故先講是書且取間以游詠之義或參以詩
歌矣○秋七月甲山大水滄漂以百數命洪
原縣監李明淵差兼春秋設壇滄漂處宣讀
祭文以侑之慰諭其妻孥蕩其戶糶身役○
八月諭華城留守曰孔聖垂訓以斷一樹殺
一獸不以其時非孝也曩日捕蟲之役昉行
義起之式捕蟲猶然况剪柯乎孟子曰斧斤
以時入山林朱子釋以草木零落之後孔穎

達解王制曰草木零落然後入山林者謂十
月時也自今剪柯必待十月以為式○詣敬
陵昌陵親祭 德宗誕降 安順聖后昇遐
舊甲也命西原府院君韓確南陽府夫人上
黨府院君韓明澮黃驪府夫人清川府院君
韓伯倫西河府夫人墓遣承旨致祭清川祀
孫本陵令擬差月山仁城齊安三大君顯肅
貴主墓親綴文設祭敬陵陪葬之明淑貴主
墓修築塋域使其後孫行祭教曰是歲是舉
盖欲仰述我 成廟孝思也○命停湖西方

物物膳朔膳又許停 殿宮進獻以補賑資
教曰既承 慈教此亦順志之一道也○冬
十月創壯勇外營五衛之制華城馬步軍制
略倣訓局癸丑陞營後依國初永安道馬軍
稱親軍衛之例置親軍衛三百人置步軍二
十六哨又抄龍仁等五邑東伍之精壯者增
置十二哨成一營五司又以本府及屬邑民
兵初為守城之制互相分隸遂改司哨之名
定衛部之法以一營分五衛五衛總二十五
部內外營軍總為五千備邊司成節目以進

○十一月命劃給嶺南賑穀三萬八千斛湖
西賑穀二萬斛湖南賑穀四萬五千斛○十
二月下綸音勸農政求農書以明年己未即
英廟親耕耜田之年是月建丑土牛祈年之
義也京外進農書者四十餘人○命禁府刑
曹定配人親年已至歸養者及未滿限而情
理切矜者並放送教曰此後雖特教定配者
親年如在歸養之限具由稟旨親年未滿限
時發配到配後滿限則問大臣以啓○下御
題于泮宮試儒生召鬼等人宣法醞遵 世

宗朝賜畫鍾 孝宗朝賜銀盃故事特撤常
御銀盃賜之篆其腹曰我有嘉賓蓋以鹿鳴
燕賓之禮禮士也仍命與筵諸臣應製諸生
賦歌詩詠其事親綴銘詩序以弁之名曰太
學銀盃詩集○將行大政教曰西京之重吏
選即敦本愛民之意也今也不然侍從反不
若蔭武內而不得為掌賦之官外而不得為
字牧之任又或平地推躋使之參聞廟謨真
所謂所用非所求若使新進文臣試吏下邑
兼及郵障習知民生疾苦及其駟召而來也

造言退牘歷陳除弊祛瘼之策九重雖邃四
野在邇虞庭之敷奏明試只當如此廟堂另
究對揚仍飭文蔭武互差之政○教曰用人
之道日狹設有林下待賈之士何從而進身
王堂之職異於庶官雖難以所居之地名區
別除拜此後館錄必先求之於踈逖未闡之
人

巳未二十三年春正月下諭八道四都進農務
經綸仍飭守土之臣亦陳意見教曰此蓋出
於敷奏明試之意言有可採然後方能見諸

事為以收成效當以所陳之言定其優劣施以黜陟○教曰城內外貧殘病無以療治死無以營葬者嚴飭各部抄報賑廳救恤諸道一體施行○時有輪行乖沴之疾起自西路蔓延及八方其證類感寒京外死亡無筭上大加憂惕廣施隱恤之典命別設厲祭於北郊慰祭於東西南三郊兩西並設厲祭慰祭其外諸道皆舉臨辜之禮○湖西饑以海西各穀二萬斛舟運賑之○命禁御兩營買城外民田立標定界許令窮民入葬○三月左

議政李秉模請擇差諭善 上曰善予之講書院時朴諭善外又有左右兼諭善今亦抄選卿宰中雅望以為兼諭善好矣 孝廟朝先正宋時烈宋浚吉為左右諭善金佐明為兼諭善卿其援例定式○夏四月命 先朝玉堂兩司之尚在堂下人並加資○五月行次對 上曰予實否德致此亢旱朱夫子以三光全四時和山不童澤不涸為位育之功即予之責也辛亥以後雨澤多寡必錄置通一年計之昨年是月測雨水深殆近尺餘今

國朝實錄卷之二十一
十八
年是月所得纔為二寸秋事如何雖未可預
料目下民情甚切悶矣○行常參教曰我朝
昇平莫盛於 肅廟時然惟一念雨暘靡或
少懈日影風竿之遍設於禁庭皆自是時而
始以至庚子之旱憂勤之 聖念尚不敢弛
先朝下教每舉 肅廟故事以為不能仰述
矧予否德尤何敢擬議每年輒值旱灾以此
勞心殆不能堪過○遣大臣攝行酌獻禮於
溫陵復位舊甲也仍遣承旨致祭於信度公
慎守勤墓旌其間祀孫除本陵參奉○六月

嚴禁內司放債之弊燒其券○進饌于 慈
宮 上語筵臣曰 慈候一樣康旺眼聰與
精神殆非予所能仰逮經史句語及故事予
所未能盡知者間多有仰質近日劇暑閱覽
冊子至夜不輟燈下手書百餘張冊子精力
之如是漸勝即予方寸中私竊喜幸者今見
卿等說此喜幸之心○御定大學類義成就
大學經文系以真德秀衍義丘濬衍義補節
略其切要為鑑戒者手批採輯○命抄啓文
臣親試做玉堂春坊故事書進之例以故寔

命題優其日限使之從容探賸隨意敷陳敷衍講旨以附陳勉之規辨難疑義以寓討論之意以經史子集及國朝文獻分朔排次以試之○秋七月賜太廟獻官醍醐湯桂薑九教曰予念諸享官為予替勞下此藥物俾為滌暑須與諸執事分嘗下逮侑舞工人○八月上將謁陵命御路冒耕處及未熟先穫者並給代輦路從便作路役民量給其費○詣獻陵親祭命驪興府院君閔霽三韓國大夫人宋氏墓遣正卿致祭祀孫差擬本陵齋

郎○教曰曉過舟橋松楸入眺年前雖致侑今年即周甲又重回之歲也予小子敢不以宣廟之心為心以救寧前烈乎遣承旨行祭于昌嬪墓所大院君奉祀直泚孫穆陵參奉擬入遣承旨致祭于永昌大君墓海昌尉吳泰周明安公主墓一體致祭勲臣嫡長孫令勲府訪問以聞遵英廟朝故事也○九月行次對上曰士生斯世所願者學孔孟而朱夫子即孔孟後一人今予所求者即讀朱書之士也仍諭在外儒臣命薦讀朱書

人諭善李直輔承命陳疏賜批曰近予闡明朱夫子之書為準於明天理正人紀也異端邪學之隨以闢廓亦未必不由於斯是書明於一世然後國可以為國人可以為人卿等各舉所知在朝者亦當進剡牘矣○御定雅誦成 上以後於三百篇得思無邪之旨者惟朱夫子詩為然手選印頒講於經筵胄筵藏之尊經閣頒于八道四都校宮○詣文廟行酌獻禮設科取入○冬十月先是 上命訪問 神德王后本第舊址春曹啓言谷山

府有一小山古名神留山今稱堂底山即國舅舊基云教曰 聖后籍貫是象山象山即谷山且今月三昴即我 聖后誕降之辰也此時登聞若有所相當親書碑面敬記古蹟曾聞本府有馳馬谷山名岢嵐之南有馳道數里在山頂邑中父老傳以為 太祖馳馬舊基令道伯親審狀聞至是 上御便殿親受 聖后私第舊基碑本馳馬基 聖蹟碑本○莊獻世子睿製有凌虛閣漫稿 上親自校閱編成三冊○教筵臣曰 先朝時侍

從之着朝服者未半且有木紅貢緞廣織等朝服故重臣朴宗甲亦着木紅廣織近日全用杭羅又或有紅苧凡人德行蘊諸中然後睥面盎背若無是德徒是粲粲衣裳及有服不衷之譏矣○上聞華城府所取隣邑私養山樹木為橋梁命禁之曰以朝家為園寢植木欲望其蒼鬱之心及隅於隣邑士庶各愛其松梓之心彼士庶之心果如何○十二月召見諸臣于便殿教曰新印春秋今日纔完讀 慈宮念予幼少時每冊記工後設饌之

事今亦設饌以識喜茲與卿等共嘗之書下御製詩令諸臣賡進○賜祭于故相臣鄭弘淳以宣謚日也○奎章閣進御製繕寫本自春邸時至己未分為四集其目為三十凡一百九十一編題曰弘齋全書○上謂直提學李晚秀曰予以萬川明月主人翁自號其義詳於自序其序有日月一也水之類萬也水者世之人也月者太極也太極者吾也命朝臣數十人各書以進刻揭于燕寢諸處即其點畫揮灑之間其人之規模意象可以髣想

此真所謂萬川明月也○大提學洪良浩稟
輯北關興王古蹟成書為四編名曰興王肇
乘上劄進之賜優批令內閣開印奉藏○冬
暖 上教曰冬候過暖如是失序人能以精
力誠心勉勉做去則庶或有感應天心轉暖
為寒之理而顧予精力何能及此向於戊戌
冬候甚暖伊時多有進言近來緘默成風良
可歎也○教曰市民即都民中根本也紙塵
之火雖即撲抹一夫不獲即予之恥仍命詢
問安堵之方施蠲恤之政○上召見上京守

令教曰問年事則雖值稍熟之歲奏對常有
不足底意即分憂本色也近來有問輒以豐
年為對此亦習俗中一端也

庚申二十四年春正月召見大臣閣臣禮堂于
便殿教曰今日即月正元日也曉拜真殿展
謁廟官方欲以國家典禮詢于卿等元子年
紀已踰十歲予所以鄭重至今者蓋出於遲
之又久之意今曉以前尚未敢決定于心祇
拜廟宮 陟降孔邇周旋出戶之際予心自
然相感不啻若親承躬聆回鑾後始仰稟于

慈殿慈宮矣仍命冠禮嘉禮冊禮並行教曰
行一物而三善皆得云者雖以齒學一事而
言今此三大典禮之并舉足可以斷章取義
且儀文之約而不煩又合於乾坤易簡之道
也○領議政李秉模啓言春坊兼輔德徃在
先朝故相臣徐志修等因下詢引 世宗朝
尹祥以堂上兼帶之例仰對今依此例請以
堂上僚屬中差出從之○上親審各陵餽餘
教曰進排各種如是均壹貢人等盡誠精備
之致也何可只賞典祀官熟手命蕩太常貢

人舊遺在三百斛○詣顯隆園親祭經宿于
齋室行辭園禮 上嗚咽不能定大臣閣臣
迭請還齋室 上曰今慶禮在予為何等大
事遇事興慕又有至慟在中將何忍按抑乎
藥房提調請進茶飲 上却之又泣伏掩抑
如是者數回回鑾時有御詩曰明發華城回
首遠遲遲臺上又遲遲○召見閣臣教曰
世宗大王實基我東方太平萬世之業而授
受之際大寶猶不親傳重熙累洽坐享昇平
莫如我 顯廟盛際而冊儲賀儀猶且權停

先朝於予小子眷愛之意靡不用極而凡係儀文一從省約祈永命享多福之本實在是今命賓傳冊之節皆不親臨陳賀亦權停○二月命文蔭武自鄉上京參班人在京時付祿還鄉時年六十以上人給鋪馬糧資○冊元子為王世子仍行冠禮于集福外軒命朝官年七十士庶八十而未至緋王者并加資諸道舊糴三十萬斛貢人舊遺在一萬斛市民徭役限三十日蕩減軍錢結錢僧役稅錢貢錢分數蠲免○教曰及今慶辰黃髮聯造

賁我賓僚之儀兼贊善宋煥筭陞拜從一品贊善李直輔陞拜正二品○惠慶宮有瘡候浹旬愆和 上晝宵焦憂衣不解帶親自傳藥御手為腫至是夬復諸臣請舉賀儀 上以 慈心不欲張大諭止之○上與王世子謁真殿太廟景慕宮掩泣語諸臣曰今日行禮宗社增重洋洋 陟降必當悅豫于上而予之情事益無以為懷又教曰東宮善為行禮四次拜禮諸室奉審予亦難之而冲年不以為勞矣禮曹判書李晚秀曰趨蹌升降拜

國朝寶鑑卷之二十一
三十一
跪之節悉中規度儼若天成實不勝慶幸○
三月教曰今茲之慶即我先王攸錫竊想
陟降洋洋嘉悅于上須予小子之來拜也詣
健元陵展拜詣元陵親祭仍詣局內諸陵展
拜教曰今日來拜孺慕當作何懷周旋象設
若承 玉音記此日之舉宜施於駿奔諸臣
仍命獻官以下施賞有差○詣景慕宮展拜
御齋室召見大臣備堂 上曰 先朝寶齡
望八之時猶書細字八旬試眼四字至入摸
刻予眼力漸不如前着眼鏡臨朝有碍瞻視

矣自十歲以前坐必跪袴之當膝處先穿今
則久坐亦漸難工夫未至精力漸憊也於幼
時進飯甚少而朝夕所食只是蘿菹至於油
膩之物至今不能多進亦必有效猶未免筋
力之漸衰也○夏四月命杆城滄沒海民設
壇慰侑又命襄杆兩邑進供銀口魚永為蠲
減○五月諭水原留守徐有隣飭疏渠墾土
之政曰萬石之渠開於城北九仞之埭築於
城西自西而南遂及於一境自一境而遠遍
至於八路則不言所利之利豈不淵乎博哉

自八達門外至柳川泥浦之間厥土廣斥耕
犁不及者畿民懶於農不欲啓作也漢之趙
過諸人為民勸耕田器農牛皆由官備為長
吏者操畚鍤履畎污萊為膏沃游手為農
夫此所謂可與樂成者也○六月 上疾大
漸大臣諸臣入候卧内 上已不能語而微
微有玉音諸臣諦聽乃壽靜殿三字壽靜即
王大妃所御之殿盖 聖意若有仰告于
慈聖而莫之及也 王世子遣官遍禱于廟
社宮山川乃顧命大寶傳于 王世子以二

十八日酉時 上昇遐于昌慶宮之迎春軒
深山窮谷田夫野叟愚婦孩童莫不奔走號
呼如哭其父母 上於是歲遇慶疫懷頻有
愆候且積勞於侍湯之節自是月初有瘡候
日益沉欲教承旨曰民事不可緩也勿以予
病而或滯也侍疾者大臣閣臣承旨史官而
已宦侍官妾無一或近焉越六日甲申 王
世子即位羣臣議 上德行功業上謚曰文
成武烈聖仁莊孝廟號曰正宗是年十一月
一日葬于健陵亥坐之原即顯隆園之東第

二岡也後二十一年辛巳九月十三日遷奉
于園之右岡子坐之原

國朝寶鑑卷之七十五

